

Broj: 03-02-7818-10/25
Bihać, 3.7.2025. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA

PRILOG 10			
OK	Upravitelj	Isprani list	Broj priloga
01/1	2-8	71/25	

SKUPŠTINA UNSKO-SANSKOG KANTONA

PREDMET: Prijedlog Zakona o izmjenama i dopunama Zakona o Univerzitetu u Bihaću, dostavlja se:-

Na osnovu člana 120. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Prijedlog Zakona o izmjenama i dopunama Zakona o Univerzitetu u Bihaću, uz sljedeće

Obrazloženje

Vlada Unsko-sanskog kantona je na 52. sjednici, održanoj dana 3.7.2025. godine, razmatrala i Zaključkom broj: 03-02-51-673/2025 utvrdila Prijedlog Zakona o izmjenama i dopunama Zakona o Univerzitetu u Bihaću, obrađivača Ministarstva obrazovanja, nauke, kulture i sporta i isti vam se dostavlja u dalju proceduru.

S poštovanjem,

Prilog: Prijedlog Zakona o izmjenama i dopunama Zakona o Univerzitetu u Bihaću

Dostavljeno:

1. Naslovu,
2. a/a.

PREMIJER KANTONA
Nijaz Husić MA





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), na prijedlog Ministarstva obrazovanja, nauke, kulture i sporta, Vlada Unsko-sanskog kantona na 52. sjednici, održanoj dana 3.7.2025. godine, d o n o s i

ZAKLJUČAK

I

Utvrdjuje se Prijedlog Zakona o izmjenama i dopunama Zakona o Univerzitetu u Bihaću, obrađivača Ministarstva obrazovanja, nauke, kulture i sporta te se isti upućuje Skupštini Unsko-sanskog kantona u dalju proceduru.

II

Ovaj Zaključak stupa na snagu danom donošenja.

Broj: 03-02-51-673/2025
Bihać, 3.7.2025. godine


PREMIJER KANTONA
Nijaz Hušić, MA

- PRIJEDLOG -

Na osnovu člana 2 b) poglavlja IV Ustava Unsko-sanskog kantona - prečišćeni tekst („Službeni glasnik Unsko-sanskog kantona“, broj: 1/04 i 11/04), a u vezi sa članom 144. stav (3) Zakona o visokom obrazovanju na području Unsko-sanskog kantona („Službeni glasnik Unsko-sanskog kantona“, broj: 26/24, Skupština Unsko-sanskog kantona, na _____. sjednici održanoj _____. godine, donijela je:

**ZAKON O IZMJENAMA I DOPUNAMA ZAKONA O
UNIVERZITETU U BIHAĆU**

Član 1.

U članu 13. stav (4) Zakona o Univerzitetu u Bihaću („Službeni glasnik Unsko-sanskog kantona“, broj: 24/17 – prečišćeni tekst i 25/17 – u daljnjem tekstu: Zakon) tačka f) mijenja se i glasi: „Fakultet zdravstvenih studija Univerziteta u Bihaću“.

Član 2.

(1) Član 16. stav (2) Zakona mijenja se i glasi: „Upravni odbor Univerziteta ima devet članova, i to pet koje imenuje Vlada Unsko-sanskog kantona u javnoj i transparentnoj konkursnoj proceduri i četiri iz reda akademske zajednice koje u javnoj i transparentnoj konkursnoj proceduri imenuje Senat Univerziteta u Bihaću.“

(2) U članu 16. stav (3) Zakona riječ „osnivač“ se zamjenjuje riječima „Vlada Unsko- sanskog kantona“.

Član 3.

Član 18. Zakona mijenja se i glasi:

„Član 18.

(Razrješenje člana Upravnog odbora)

(1) Vlada, odnosno Senat mogu razriješiti člana upravnog odbora kojeg su imenovali i prije isteka mandata u skladu sa ovim Zakonom i Statutom, a posebno iz sljedećih razloga:

- a) na njegov lični zahtjev;
 - b) ako utvrdi da je odgovoran za neuspješan ili nezakonit rad Univerziteta;
 - c) ukoliko utvrdi da ima lične ili druge interese koji su u suprotnosti sa interesima Univerziteta (sukob interesa);
 - d) ako svojim radom povrijedi ugled dužnosti koju obavlja;
 - e) ukoliko zbog odsutnosti ili spriječenosti ne obavlja dužnost člana Upravnog odbora u periodu dužem od tri mjeseca, i
 - f) u drugim slučajevima utvrđenim zakonom, osnivačkim aktom i drugim propisima.
- (2) Razrješenje člana Upravnog odbora bliže se uređuje odlukom Vlade o utvrđivanju postupka imenovanja članova upravnog odbora Univerziteta u Bihaću koje imenuje Vlada, odnosno Statutom.“

Član 4.

Član 19. stav (1) Zakona mijenja se i glasi:

„(1) Upravni odbor obavlja poslove utvrđene Zakonom i Statutom, a posebno:

- a) daje mišljenje o statutu Univerziteta u Bihaću;
- b) donosi pravilnik o unutrašnjoj organizaciji i sistematizaciji radnih mjesta, na prijedlog rektora, po prethodno pribavljenom mišljenju sindikata visokog obrazovanja;
- c) utvrđuje planove finansiranja i razvoja;
- d) donosi godišnji program rada Univerziteta, na prijedlog Senata;
- e) donosi finansijski plan i usvaja godišnji obračun;
- f) usmjerava, kontrolira i ocjenjuje rad rektora u domenu finansijskog poslovanja;
- g) odlučuje o korištenju sredstava preko iznosa utvrđenog Statutom;
- h) odlučuje o prigovoru zaposlenih na odluke tijela Univerziteta koji su u prvom stepenu odlučivali o pravima, obavezama i odgovornostima zaposlenih iz radnog odnosa;
- i) podnosi osnivaču najmanje jedanput godišnje izvještaj o poslovanju Univerziteta;
- j) donosi odluku o formiranju i ukidanju organizacionih jedinica na prijedlog Senata;
- k) daje prethodnu saglasnost na izbor dekana i rektora;
- l) vrši i druge poslove u skladu sa Zakonom i Statutom.“

Član 5.

U članu 21. stav (2) Zakona riječi „Zakonom o visokom obrazovanju („Službeni glasnik Unsko-sanskog kantona“, broj: 8/09)“, zamjenjuju se riječima „Zakonom o visokom obrazovanju na području Unsko- sanskog kantona („Službeni glasnik Unsko- sanskog kantona“, broj: 26/24)“.

Član 6.

U članu 22. Zakona stav (1) mijenja se i glasi:

„(1) Senat Univerziteta odlučuje o svim akademskim i stručnim pitanjima, a posebno:

- a) odlučuje o pitanjima nastavne, naučne, umjetničke i stručne djelatnosti Univerziteta;
- b) donosi Statut Univerziteta u skladu sa zakonom;
- c) donosi opće akte u skladu sa zakonom i Statutom;
- d) donosi na prijedlog naučno-nastavnog vijeća, odnosno umjetničko-naučno-nastavnog vijeća za studijske programe prvog, drugog, trećeg ciklusa studija, integrisane studijske programe I i II ciklusa, programe cjeloživotnog i neclikličnog obrazovanja, kratkim studijskim programima, ljetne/zimske škole te interdiciplinarne programe;
- e) donosi pravila studiranja;
- f) imenuje članove upravnog odbora iz reda predstavnika Univerziteta;
- g) bira i razrješava rektora;
- h) objavljuje konkurs za izbor nastavnika i saradnika i vrši izbor akademskog i naučno-istraživačkog osoblja na prijedlog nastavno-naučnog i nastavno-umjetničkog vijeća organizacione jedinice;
- i) imenuje komisije u postupku sticanja doktorata nauka;
- j) usvaja izvještaje u postupku sticanja naučnog zvanja doktora nauka;
- k) dodjeljuje počasna zvanja profesor emeritus, te počasni doktor nauka;
- l) predlaže Ministarstvu broj studenata za upis u prvu godinu studija svih ciklusa studija;
- m) donosi Etički kodeks studenata, nastavnog i nenastavog osoblja;

- n) daje prijedlog Upravnom odboru za osnivanje i ukidanje fakulteta i drugih organizacionih jedinica na Univerzitetu na osnovu ovog zakona, Zakona o visokom obrazovanju i Statuta;
- o) razmatra prijedloge članica o realizaciji studija u saradnji sa drugim visokoškolskim ustanovama koje mogu imati za rezultat izdavanje dvojnih ili zajedničkih diploma.“

Član 7.

U članu 23. stav (2) Zakona briše se interpunkcijski znak tačka i dodaju riječi „koji je u radnom odnosu sa punim radnim vremenom na Univerzitetu.“.

Član 8.

Član 26. Zakona mijenja se i glasi:

„Član 26.

(Nadležnosti Rektora)

Rektor obavlja poslove utvrđene Zakonom o visokom obrazovanju i Statutom, a naročito:

- a) zastupa i predstavlja Univerzitet;
- b) organizira i rukovodi radom Univerziteta i odgovoran je za zakonitost rada;
- c) donosi pojedinačne akte u skladu sa zakonom i Statutom;
- d) predlaže opće akte u skladu sa zakonom i Statutom;
- e) predlaže organima Univerziteta mjere za unapređenje rada;
- f) predlaže Upravnom odboru mjere za efikasno i zakonito obavljanje djelatnosti Univerziteta;
- g) predlaže osnove planova rada i razvoja Univerziteta Upravnom odboru;
- h) predlaže Upravnom odboru pravilnik o radu sa organizacijom i sistematizacijom radnih mjesta u skladu sa zakonom;
- i) imenuje i razrješava prorektore;
- j) izvršava odluke Upravnog odbora i drugih organa Univerziteta;
- k) odlučuje o korištenju sredstava do iznosa utvrđenog Statutom;
- l) odlučuje o pravima, obavezama i odgovornostima radnika iz radnog odnosa;
- m) odlučuje o radnom statusu akademskog osoblja na prijedlog naučno-nastavnog vijeća organizacione jedinice;
- n) podnosi Upravnom odboru izvještaj o finansijskom poslovanju Univerziteta;
- o) izvršava finansijski plan;
- p) učestvuje u radu Rektorske konferencije Bosne i Hercegovine;
- r) obavlja i druge poslove u skladu sa zakonom i Statutom.“

Član 9.

Član 27. Zakona mijenja se i glasi:

„Član 27.

(Odgovornost Rektora)

(1) Rektor za svoj rad u domenu akademskih pitanja odgovara Senatu.

(2) Rektor za svoj rad u domenu poslovanja odgovara Upravnom odboru, u skladu sa odredbama Zakona o visokom obrazovanju koje se odnose na odgovornost za poslovanje visokoškolske ustanove.

(3) Rektor jednom godišnje podnosi Senatu izvještaj o svom radu u domenu akademskih pitanja početkom akademske godine za prethodnu akademsku godinu, a Upravnom odboru izvještaj o radu i poslovanju početkom kalendarske godine za prethodnu godinu.“

Član 10.

U članu 28. stav (2) Zakona iza riječi „osnivač“ dodaju se riječi „Ministarstvo obrazovanja, nauke, kulture i sporta“ i interpunkcijski znak zarez.

Član 11.

Član 30. Zakona mijenja se i glasi:

„Član 30.

(Prorektori)

(1) Rektor u radu pomažu prorektori, koje imenuje i razrješava Rektor.

(2) Broj, uslovi imenovanja i razrješavanja i ovlaštenja prorektora bliže se uređuju Statutom.

(3) Prorektori ne mogu biti birani ili imenovani u organima izvršne i zakonodavne vlasti, gradskim i općinskim vijećima, u organima političkih stranaka i sindikalnim organizacijama za vrijeme trajanja mandata.

(4) Prorektori u toku mandata ne mogu vršiti funkciju dekana/direktora ili prodekana organizacione jedinice, kao ni člana Upravnog odbora.“

(5) Mandat prorektora vezan je za mandat Rektora.

Član 12.

Član 32. Zakona mijenja se i glasi:

„Član 32.

(Nastavno-naučno vijeće, odnosno nastavno-umjetničko vijeće)

(1) Stručni organ fakulteta, odnosno umjetničke akademije je nastavno-naučno vijeće odnosno nastavno-umjetničko vijeće (u daljem tekstu: vijeće).

(2) Vijeće čine svi nastavnici i saradnici koji su sa punim radnim vremenom zaposleni na Univerzitetu i koji učestvuju u naučno-nastavnom procesu organizacione jedinice. U sastavu vijeća mora biti najmanje 15% članova iz reda studenata – predstavnika studenta, sa svih ciklusa studija koji se organiziraju na organizacionoj jedinici.

(3) Članovi vijeća iz reda studenata biraju se neposredno na organizacionoj jedinici, iz reda najuspješnijih studenata, vodeći računa o ravnomjernoj zastupljenosti svih godina i ciklusa studija.

(4) Statutom će se propisati način i postupak izbora članova vijeća iz reda studenata.

(5) Vijeće u okviru svoje nadležnosti:

a) daje mišljenje i prijedloge Senatu o akademskim, naučnim, umjetničkim i stručnim pitanjima, u skladu sa Statutom;

- b) daje prijedloge Senatu u vezi sa promjenama u strukturi i sadržaju studijskih programa i nastavnim metodama;
- c) daje prijedlog Rektor u vezi sa radnim statusom akademskog osoblja;
- d) bira predstavnika u Senat;
- e) predlaže program razvoja organizacione jedinice;
- f) imenuje komisiju za podnošenje izvještaja za izbor u naučno-nastavno, odnosno umjetničko-nastavno zvanje i utvrđuje prijedlog odluke o izboru kandidata;
- g) imenuje komisije u postupku izrade završnog diplomskog-master rada na drugom ciklusu studija;
- h) odlučuje po žalbama studenata na prvostepene odluke dekana o pojedinačnim pravima studenata;
- i) obavlja i druge poslove u skladu sa Statutom i drugim općim aktima Univerziteta i fakulteta.“

Član 13.

Član 33. Zakona mijenja se i glasi:

„Član 33.

(Dekan/direktor)

(1) Dekan/direktor predstavlja i zastupa organizacionu jedinicu, odgovoran je za zakonitost rada organizacione jedinice, te organizira i rukovodi radom na organizacionoj jedinici.

(2) Dekan u okviru svoje nadležnosti:

- a) saziva i predsjedava sjednicama vijeća;
- b) predlaže rektoru unutrašnju organizaciju i sistematizaciju radnih mjesta organizacione jedinice;
- c) imenuje i razrješava prodekane;
- d) odlučuje u prvom stepenu o pojedinačnim pravima studenata;
- e) odlučuje i snosi odgovornost za korištenje sredstava kojima raspolaže organizaciona jedinica u skladu sa općim aktom Univerziteta;
- f) naredbodavac je za izvršenje finansijskog plana koji se odnosi na organizacionu jedinicu u skladu sa općim aktom Univerziteta;
- g) odgovoran je za organizaciju nastavnog procesa na organizacionoj jedinici kojom rukovodi;
- h) odgovoran je za evidenciju prisustva na poslu radnika organizacione jedinice kojom rukovodi;
- i) provodi odluke Upravnog odbora, Senata, vijeća, rektora, te drugih tijela Univerziteta u skladu sa zakonom i Statutom;
- j) obavlja i druge poslove utvrđene Statutom.

(3) Dekan može raspolagati sredstvima organizacione jedinice do iznosa utvrđenog Statutom.“

Član 14.

Član 34. Zakona mijenja se i glasi:

„Član 34.

(Izbor dekana/direktora)

- (1) Dekana/direktora bira vijeće organizacione jedinice, sa liste kandidata na koju prethodnu saglasnost daje Upravni odbor.
- (2) Za dekana može biti izabran nastavnik u naučno-nastavnom zvanju vanrednog ili redovnog profesora, koji je zaposlen sa punim radnim vremenom na Univerzitetu i koji je član vijeća tog fakulteta.
- (3) Dekan/direktor se bira na mandat od četiri godine po proceduri javnog konkursa i može biti izabran za dekana ukupno dva mandata računajući od osnivanja Univerziteta.
- (4) Dekan ne može biti biran ili imenovan u organima izvršne i zakonodavne vlasti, gradskim i općinskim vijećima, u organima političkih stranaka i sindikalnim organizacijama za vrijeme trajanja mandata.
- (5) Ako je pozicija dekana/direktora prije isteka perioda na koji je izabran ostala upražnjena ili čičnih ili drugih razloga, vijeće iz članova vijeća te organizacione jedinice u naučno-nastavnom zvanju vanrednog ili redovnog profesora imenuje vršioca dužnosti dekana/direktora, uz prethodnu saglasnost Upravnog odbora, koji obavlja dužnost do izbora novog dekana/direktora, a najduže šest mjeseci.
- (6) Istovremeno sa imenovanje vršioca dužnosti dekana/direktora iz stava (5) ovog člana, vijeće će pokrenuti proceduru izbora dekana.
- (7) Bliže odredbe o uslovima i postupku izbora dekana/direktora uredit će se Statutom.“

Član 15.

U članu 35. stav (2) Zakona iza riječi „osnivač“ dodaju se riječi „Ministarstvo obrazovanja, nauke, kulture i sporta“ i interpunkcijski znak zarez.

Član 16.

Iza člana 51. Zakona, dodaje se novi član 52. i glasi:

„Član 52.

(Rok za usaglašavanje Statuta)

„Senat Univerziteta u Bihaću je u obavezi u narednih 90 dana od dana stupanja na snagu izmjena i dopuna ovog Zakona, usaglasiti odredbe Statuta Univerziteta u Bihaću sa odredbama izmjena i dopuna ovog Zakona.“

Član 17.

Ovaj Zakon stupa na snagu osmog dana od dana objavljivanja u „Službenom glasniku Unsko-sanskog kantona“

Predsjedavajući Skupštine Unsko-sanskog kantona

Zikrija Duraković, dipl.ecc

Broj:

Datum:



OBRAZLOŽENJE PRIJEDLOGA ZAKONA O IZMJENAMA I DOPUNAMA ZAKONA O UNIVERZITETU U BIHAĆU

I USTAVNI I ZAKONSKI OSNOV

Ustavni osnov za donošenje Zakona o izmjenama i dopunama Zakona o Univerzitetu u Bihaću sadržan je u članu 2. b) Poglavlja IV. i člana 11. b) Odjeljka A. Poglavlja V. Ustava Unsko-sanskog kantona – Prečišćeni tekst („Službeni glasnik Unsko-sanskog kantona“, broj: 24/17- prečišćen tekst i 25/17), kojim je Kanton ovlašten za utvrđivanje obrazovne politike, uključujući propise o obrazovanju i osiguranje obrazovanja, odnosno Skupština Kantona ovlaštena za donošenje Zakona.

Zakonski osnov za donošenje Zakona o izmjenama i dopunama Zakona o Univerzitetu u Bihaću sadržan je u članu 144. stav (3) Zakona o visokom obrazovanju na području Unsko-sanskog kantona („Službeni glasnik Unsko- sanskog kantona, broj: 26/24“), kojim je utvrđena obaveza usklađivanja Zakona o Univerzitetu u Bihaću sa Zakonom o visokom obrazovanju na području Unsko- sanskog kantona u roku od šest mjeseci od dana stupanja na snagu tog Zakona.

II RAZLOZI ZA DONOŠENJE

Skupština Unsko-sanskog kantona je na svojoj 21. redovnoj sjednici, održanoj dana 09.09.2024. godine, donijela Zakon o visokom obrazovanju na području Unsko-sanskog kantona, koji je zvanično objavljen u Službenom glasniku Unsko-sanskog kantona broj: 26/24. Ovaj zakon predstavlja ključni pravni okvir koji reguliše visoko obrazovanje na području našeg Kantona i predstavlja korak naprijed u razvoju obrazovnog sistema u oblasti visokog obrazovanja.

U prijelaznim i završnim odredbama spomenutog Zakona, precizirano je da će se odredbe Zakona o Univerzitetu u Bihaću (Službeni glasnik Unsko-sanskog kantona broj: 24/17 - prečišćeni tekst i 25/17), uskladiti sa novim Zakonom o visokom obrazovanju na području Unsko- sanskog kantona u roku od šest mjeseci od dana njegovog stupanja na snagu. Ova odredba imala je za cilj harmonizaciju propisa kako bi se osigurala usklađenost i efikasno funkcionisanje visokog obrazovanja na području Unsko-sanskog kantona.

S obzirom na zakonski naloženu obavezu harmonizacije propisa, Ministarstvo obrazovanja, nauke, kulture i sporta Unsko-sanskog kantona pristupilo je konkretnim aktivnostima usklađivanja postojećeg zakonodavnog okvira sa odredbama novog Zakona o visokom obrazovanju na području Unsko- sanskog kantona.

Kako je JU Univerzitet u Bihaću osnovan od strane Skupštine Unsko-sanskog kantona, Zakon o Univerzitetu u Bihaću ujedno predstavlja i njegov osnivački akt koji definiše osnovne pravne i organizacijske okvire u kojima Univerzitet djeluje, uključujući strukturu upravljanja, nadležnosti organa, te obaveze u vezi s kvalitetom obrazovanja i naučnog rada. Iz tog razloga, u odnosu na Zakon o visokom obrazovanju, izmjenama i dopunama Zakona o Univerzitetu u Bihaću predviđa se daljnje razrađivanje određenih postupaka, s posebnim naglaskom na postupke koji se odnose na izbore rukovodstvenih tijela.

Izmjene i dopune koje se odnose na nadležnosti organa upravljanja visokoškolskom ustanovom, uključujući i fakultetske jedinice (nadležnosti senata, upravnog odbora, nastavno-naučnog vijeća, rektora i dekana), a koje su propisane Zakonom o visokom obrazovanju, sada su direktno inkorporisane u Zakon o Univerzitetu u Bihaću.

Odredbama novog Zakona o visokom obrazovanju došlo je do izmjena u načinu imenovanja i razrješenja upravnog odbora javnih visokoškolskih ustanova. Prema novim odredbama, konačno imenovanje i razrješenje upravnog odbora visokoškolske ustanove više ne vrši Skupština, već Vlada Unsko-sanskog kantona. Ova izmjena imala je za cilj osiguranje ravnopravnog statusa JU Univerzitet u Bihaću u odnosu na druge javne ustanove čiji je osnivač Skupština.

Promjene se odnose i na način donošenja Statuta visokoškolske ustanove. Prema novom Zakonu, saglasnost Skupštine na Statut visokoškolske ustanove zamijenjena je pribavljanjem mišljenja Ministarstva obrazovanja, nauke, kulture i sporta.

U izmjenama i dopunama Zakona predloženo je i da Ministarstvo obrazovanja, nauke, kulture i sporta sada ima ovlasti da predloži smjenu dekana ili rektora a s obzirom da ovo Ministarstvo vrši nadzor nad primjenom odredbi Zakona o Univerzitetu u Bihaću, te prati rad Univerziteta, ovom odredbom se dodatno osigurava odgovornost i transparentnost u radu visokoškolske ustanove.

Dodatno, u okviru novih izmjena, s obzirom da po novom Zakonu o visokom obrazovanju na području Unsko- sanskog kantona, rektor sada ima ovlasti da bira prorektore, pa je mandat prorektora usklađen s mandatom rektora.

Sve naprijed navedene novine Zakona o visokom obrazovanju na području Unsko- sanskog kantona su uvrštene u prijedlog Zakona o izmjenama i dopuna Zakona o Univerzitetu u Bihaću.

Takođe, jedna od ključnih obaveza koja proizlazi iz novog Zakona, ali i izmjena i dopuna Zakona o Univerzitetu u Bihaću, je obaveza Univerziteta da uskladi svoj Statut s odredbama ova dva propisa. U skladu s tim, Univerzitet će biti dužan poduzeti potrebne korake kako bi osigurao harmonizaciju između statutarnih odredbi i zakonskih smjernica, čime će se osigurati pravna usklađenost i efikasnost u provođenju svih aktivnosti na Univerzitetu.

III USKLAĐENOST ZAKONA SA EUROPSKIM ZAKONODAVSTVOM

Zakonom o visokom obrazovanju na području Unsko- sanskog kantona ustanovljavaju se principi i standarde sticanja visokog obrazovanja na Unsko-sanskom kantonu, u skladu sa relevantnim odredbama i principima Okvirnog zakona o visokom obrazovanju u Bosni i Hercegovini te međunarodnih pravnih propisa čija je država ugovornica Bosna i Hercegovina. Kako odredbe Zakona o Univerzitetu u Bihaću proističu iz odredaba Zakona o visokom obrazovanju, principi i standardi međunarodnih pravnih propisa čija je država ugovornica Bosna i Hercegovina se primjenjuju i u Zakonu o izmjenama i dopuna Zakona o Univerzitetu u Bihaću (u daljnjem tekstu: Zakon).

IV OPIS VOĐENIH KONSULTACIJA

Zaključkom broj: 01/1-2-45-459/25 od 30.05.2025. godine, Skupština Unsko-sanskog kantona prihvatila je nacrt Zakona o izmjenama i dopunama Zakona o Univerzitetu u Bihaću, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.

Imajući u vidu naprijed utvrđenu obavezu, Ministarstvo obrazovanja, nauke, kulture i sporta Unsko-sanskog kantona je dana 11.06.2025. godine javno objavilo Program javne rasprave o nacrtu Zakona o izmjenama i dopunama Zakona o Univerzitetu u Bihaću, te uputila poziv sljedećim subjektima:

- JU Univerzitet u Bihaću,
- Unija studenata Univerziteta u Bihaću;
- Samostalni sindikat visokog obrazovanja i znanosti BiH, Kantonalni odbor USK,
- Kantonalna uprava za inspeksijske poslove.

Centralna javna rasprava o nacrtu Zakona o izmjenama i dopunama Zakona o Univerzitetu u Bihaću održana je u Bihaću, dana, 13.06.2025. godine u sali Skupštine Unsko-sanskog kantona, na kojoj su, prema evidenciji, pored predstavnika Ministarstva, prisustvovala 2 lica i to dva skupštinska zastupnika: Fatka Kulenović i Emir Dautović.

Po okončanoj javnoj raspravi, Ministarstvo obrazovanja, nauke, kulture i sporta zaprimilo je akt Univerziteta u Bihaću broj: 02-3379/2025 od 18.06.2025. godine u kojem obavještavaju ovo Ministarstvo da nemaju primjedbi na dostavljeni prijedlog Zakona o izmjenama i dopunama Zakona o Univerzitetu u Bihaću. Napominjemo da se Univerzitet u Bihaću aktom broj: 02-1841/2025 od 27.03.2025. godine već detaljno očitovao na nacrt Zakona o izmjenama i dopunama Zakona o Univerzitetu u Bihaću.

U skladu sa članom 34 stav (6) Kolektivnog ugovora za radnike u visokom obrazovanju na području Unsko- sanskog kantona („Službeni glasnik Unsko- sanskog kantona“, broj: 3/25) svoje mišljenje na nacrt Zakona o izmjenama i dopunama Zakona o Univerzitetu u Bihaću, dostavio je Samostalni sindikat visokog obrazovanja i znanosti Bosne i Hercegovine- Kantonalni odbor USK aktom broj: 04-25 od 26.06.2025. godine u kojem izražavaju pozitivno mišljenje o nacrtu Zakona o izmjenama i dopunama, cijeneći njegovu usmjerenost na unapređenje pravnih okvira i regulativa u oblasti odgoja. Navode da nakon detaljne analize predloženog teksta, smatraju da nacrt sadrži jasne smjernice koje doprinose poboljšanju organizacije i funkcionisanja institucije, te da predviđeni mehanizmi unapređuju transparentnost i odgovornost u radu svih sudionika obrazovnog procesa. S obzirom na navedeno, SSVOiZ BIH Kantonalni odbor USK-a izražava svoju podršku nacrtu Zakona te preporučuje njegovo usvajanje u cilju unapređenja obrazovnog sistema.

Predlagač Zakona je unio dvije izmjene u odnosu na nacrt Zakona i to zbog sugestije skupštinske Komisije za ustavna, zakonodavno- pravna i pitanja europskih integracija da se u članu 1. riječi u zagradi kojim se navodi Odluka kojom se osniva Fakultet zdravstvenih studija brišu, i u članu 34. stav (3) se briše riječ „još“, jer se radi o tehničkoj grešci obrađivača prijedloga, dok se iz samog sadržaja obrazloženja propisa koje je upućeno Vladi Unsko- sanskog kantona navodi da je riječ „još“ na prijedlog Univerziteta u Bihaću brisana.

Po formiranom prijedlogu Zakona, u skladu sa članom 16. Poslovnika o radu Vlade Unsko- sanskog kantona („Službeni glasnik Unsko-sanskog kantona“, broj: 21/21), ovo Ministarstvo je zatražilo mišljenje od Ureda za zakonodavstvo u pogledu usklađenosti sa Ustavom Kantona i pravnim sistemom i metodološkim jedinstvom u izradi propisa, Ministarstva pravosuđa i uprave u pogledu usklađenosti s propisima o ostvarivanju ljudskih prava i sloboda i Ministarstva finansija u pogledu finansijskih sredstava potrebnih za izvršenje propisa.

S tim u vezi, Ured za zakonodavstvo je dostavio Mišljenje na prijedlog Zakona o izmjenama i dopunama Zakona o Univerzitetu u Bihaću broj: 21/02-02-7818-6/25 od 24.06.2025. godine u kojem je navedeno da je Ured za zakonodavstvo Vlade Unsko- sanskog kantona, nakon analize propisa konstatovao da je tekst prijedloga Zakona u najvećoj mjeri identičan kao tekst nacrtu Zakona, na koji je ovaj Ured da Mišljenje broj: 21/02-11-2697-4/25 od 03.03.2025. godine. Navode da je, shodno tome, obrađivač razmotrio dostavljene sugestije, pa one prihvaćene i integrirao u prijedlog Zakona, dok su obrazložene one sugestije koje nisu prihvaćene. U odnosu na iznijeto dodatno su sugerisali da se član 16 prijedloga Zakona uskladi sa članom 53. Pravila i postupaka za izrau zakona i drugih propisa Federacije Bosne i Hercegovine („Službene novine Federacije Bosne i Hercegovine“, broj: 71/14), što je obrađivač i prihvatio.

Ministarstvo finansija je dostavilo Mišljenje broj: 04-11-7818-8/25 od 26.06.2025. godine u kojem se navodi da je Ministarstvo obrazovanja, nauke, kulture i sporta kao obrađivač akta postupilo u skladu sa članom 7. stav Pravilnika u pogledu fiskalne procjene za prijedlog Zakona o izmjenama i dopunama Zakona o Univerzitetu u Bihaću, uz napomenu da obrađivač akta- budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko- sanskog kantona.

Ministarstvo pravosuđa i uprave je dostavilo mišljenje broj: 07-02-7818-3/25 od 18.06.2025. godine na prijedlog Zakona o izmjenama i dopunama Zakona o Univerzitetu u Bihaću ne sadrži odredbe kojim se reguliše materija iz člana 16. stav 1 alineja 2 Poslovnika o radu Vlade Unsko- sanskog kantona u kojem je utvrđeno da ovo Ministarstvo daje mišljenje na nacрте i prijedloge propisa u pogledu njihove usklađenosti s propisima o ostvarivanju ljudskih prava i sloboda, organizacije pravosuđa, organizacije organa uprave i upravnih organizacija i odredaba o sankcijama.

V PROVEDBENI MEHANIZIMI I NAČIN OSIGURANJA POŠTIVANJA ZAKONA

Kako bi se ispoštovale odredbe Zakona o Univerzitetu u Bihaću, kao i njegovih izmjena i dopuna, nadzor nad njegovom primjenom, kao i nadzor nad propisima donesenih za njegovo provođenje vrši Ministarstvo obrazovanja, nauke, kulture i sporta kroz provođenje upravnog nadzora.

VI FINANSIJSKA SREDSTVA ZA PROVOĐENJE PREDMETNOG ZAKONA

Za provođenje ovog Zakona nisu potrebna dodatna finansijska sredstva.

VII NAČIN IZVRŠENJA PROPISA

U cilju provođenja Zakona, Senat Univerziteta u Bihaću je u obavezi u narednih 90 dana od dana stupanja na snagu izmjena i dopuna Zakona, usaglasiti odredbe Statuta Univerziteta u Bihaću sa odredbama izmjena i dopuna Zakona o Univerzitetu u Bihaću.

VIII OBRAZLOŽENJE PRAVNIH RJEŠENJA

Članom 1. Zakona o izmjenama i dopunama Zakona o Univerzitetu u Bihaću) mijenja se član 13.stav (4) tačka (f) Zakona o Univerzitetu u Bihaću (Službeni glasnik Unsko-sanskog kantona broj: 24/17 - prečišćeni tekst i 25/17) (u daljnjem tekstu: Osnovni Zakon) zbog toga što se u Osnovnom Zakonu spominje Visoka zdravstvena škola koja je 2017. godine transformisana u Fakultet zdravstvenih studija.

Članom 2. Zakona se mijenja član 16. stav (2) Osnovnog Zakona u pogledu sastava Upravnog odbora i obaveze usklađivanja sa Zakonom o visokom obrazovanju na području Unsko-sanskog kantona. S obzirom da Skupština više ne daje saglasnost na imenovanje Upravnog odbora Univerziteta već Vlada Unsko- sanskog kantona, u stavu (3) istog člana, riječi osnivač, se zamjenjuju riječima Vlada Unsko- sanskog kantona.

Članom 3. Zakona se mijenja član 18. Osnovnog Zakona koji se odnosi na razrješenje člana Upravnog odbora, a što je usaglašeno sa odredbama Zakona o visokom obrazovanju na području Unsko- sanskog kantona.

Članom 4. Zakona se usklađuju nadležnosti Upravnog odbora sa Zakonom o visokom obrazovanju na području Unsko- sanskog kantona.

U članu 5. se interveniše na član 21. stav (2) Osnovnog Zakona kojim se vrši zamjena važećeg propisa.

Članom 6. Zakona usklađuju se nadležnosti Senata Univerziteta u Bihaću sa Zakonom o visokom obrazovanju na području Unsko- sanskog kantona.

Članom 7. se proširuje član 23. stav (2) Osnovnog Zakona, odnosno uslovi za izbor rektora Univerziteta, koji sada, pored ostalih uvjeta, mora biti u radnom odnosu sa punim radnom vremenom na Univerzitetu u Bihaću.

Članovima 8. i 9. Zakona se usklađuju nadležnosti i odgovornost rektora sa odredbama Zakona o visokom obrazovanju na području Unsko- sanskog kantona.

U članu 10. Zakona mijenja se član 28. stav (2) Osnovnog Zakona pa je predloženo da Ministarstvo obrazovanja, nauke, kulture i sporta, pored ostalih. sada ima ovlasti da predloži smjenu rektora a s obzirom da ovo Ministarstvo vrši nadzor nad primjenom odredbi Osnovnog Zakona.

U članu 11. Zakona se usklađuju nadležnosti i izbor prorektora sa odredbama Zakona o visokom obrazovanju na području Unsko- sanskog kantona

Članovima 12 i 13. Zakona se usklađuju nadležnosti organa upravljanja fakulteta-nastavnonaučnog vijeća i dekana sa odredbama Zakona o visokom obrazovanju na području Unsko- sanskog kantona

Članom 14. Zakona se mijenja odredba koja se odnosi na izbor dekana/direktora, pa osim što se usklađuje sa odredbama Zakona o visokom obrazovanju na području Unsko- sanskog kantona, briše se mogućnost da nastavnik u zvanju docenta bude izabran za dekana fakulteta.

U članu 15., baš kao i u članu 10. Zakona predloženo je da Ministarstvo obrazovanja, nauke, kulture i sporta, pored ostalih. sada ima ovlasti da predloži smjenu dekana a s obzirom da ovo Ministarstvo vrši nadzor nad primjenom odredbi Osnovnog Zakona.

Članom 16. Zakona dodaje se novi član u Osnovnom Zakonu prema kojem je Senat Univerziteta u Bihaću u obavezi u narednih 90 dana od dana stupanja na snagu izmjena i dopuna ovog Zakona, usaglasiti odredbe Statuta Univerziteta u Bihaću sa odredbama izmjena i dopuna Zakona o Univerzitetu u Bihaću.

U članu 17. Zakona definiše se momenat stupanja na snagu propisa.

S poštovanjem,

Pomoćnik ministra:
Adisa Eminoglu, dipl. pravnik
Sekretar:
Albijana Trnavci, dipl. pravnik




MINISTAR

Denis Osmankić, dipl.ecc.

Dostaviti:

- Naslovu
- a/a




Broj: 10-~~95~~-35-86 /25
Bihać, 11.06.2025. godine

Na osnovu Zaključka Skupštine Unsko-sanskog kantona 01/1-2-45-459/24 od 30.05.2025. godine, Ministarstvo obrazovanja, nauke, kulture i sporta Unsko-sanskog kantona, utvrđuje:

PROGRAM

javne rasprave o nacrtu Zakona o izmjenama i dopunama Zakona o Univerzitetu u Bihaću

1. Zaključkom broj: 01/1-2-45-459/25 od 30.05.2025. godine Skupština Unsko-sanskog kantona prihvatila je nacrt Zakona o izmjenama i dopunama Zakona o Univerzitetu u Bihaću, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.
2. Imajući u vidu naprijed izloženo, Ministarstvo obrazovanja, nauke, kulture i sporta Unsko-sanskog kantona upućuje u javnu raspravu nacrt Zakona o izmjenama i dopunama Zakona o Univerzitetu u Bihaću, uz molbu za prisustvo svih zainteresiranih fizičkih i pravnih lica, a naročito:
 - **JU Univerzitet u Bihaću,**
 - **Unija studenata Univerziteta u Bihaću,**
 - **Samostalni sindikat visokog obrazovanja i znanosti BiH, Kantonalni odbor USK,**
 - **Kantonalna uprava za inspekcijske poslove.**
3. Svoje primjedbe, prijedloge, sugestije i mišljenja učesnici javne rasprave dostavit će Ministarstvu obrazovanja, nauke, kulture i sporta Unsko-sanskog kantona pismeno na adresu Alije Đerzeleza broj 2, Bihać ili elektronski na mail adresu obrazovanje.usk@gmail.com ili obrazovanje.visoko@vladausk.ba. Javna rasprava traje do **ponedjeljka, 16.06.2025. godine.**
4. Po isteku roka iz tačke 3. ovog programa, Ministarstvo obrazovanja, nauke, kulture i sporta Unsko-sanskog kantona će sumirati rezultate javne rasprave i sačiniti izvještaj o provedenoj javnoj raspravi, nakon čega će Vlada Unsko-sanskog kantona utvrditi prijedlog Zakona o izmjenama i dopunama Zakona o Univerzitetu u Bihaću i isti uputiti u daljnju skupštinsku proceduru.



5. ***Centralna javna rasprava*** o nacrtu Zakona o izmjenama i dopunama Zakona o Univerzitetu u Bihaću će se održati u Bihaću, **u petak, 13.06.2025. godine s početkom u 13:30 sati u sali Skupštine Unsko-sanskog kantona.**
6. Tekst nacrtu Zakona o izmjenama i dopunama Zakona o Univerzitetu u Bihaću može se preuzeti na internet stranici Vlade Unsko-sanskog kantona www.vladausk.ba.

Pomoćnik ministra:

Adisa Eminoglu, dipl.pravnik


Sekretar:

Albijana Trnavci, dipl.pravnik



MINISTAR

Denis Osmankić, dipl.ecc



10

Broj: 10-02-7818 - 7/25
Bihać, 23.06.2025. godine

IZVJEŠTAJ O PROVEDENOJ JAVNOJ RASPRAVI O NACRTU ZAKONA O IZMJENAMA I DOPUNAMA ZAKONA O UNIVERZITETU U BIHAĆU

Zaključkom broj: 01/1-2-45-459/25 od 30.05.2025. godine, Skupština Unsko-sanskog kantona prihvatila je nacrt Zakona o izmjenama i dopunama Zakona o Univerzitetu u Bihaću, te zadužila Ministarstvo obrazovanja, nauke, kulture i sporta Unsko-sanskog kantona da provede javnu raspravu u trajanju od 30 dana, da sumira rezultate javne rasprave i sačini izvještaj koji će dostaviti Vladi Unsko-sanskog kantona i Skupštini Unsko-sanskog kantona uz tekst prijedloga Zakona.

Imajući u vidu naprijed utvrđenu obavezu, Ministarstvo obrazovanja, nauke, kulture i sporta Unsko-sanskog kantona je dana 11.06.2025. godine javno objavilo Program javne rasprave o nacrtu Zakona o izmjenama i dopunama Zakona o Univerzitetu u Bihaću, te uputila poziv sljedećim subjektima:

- JU Univerzitet u Bihaću,
- Unija studenata Univerziteta u Bihaću;
- Samostalni sindikat visokog obrazovanja i znanosti BiH, Kantonalni odbor USK,
- Kantonalna uprava za inspeksijske poslove.

Svoje primjedbe, prijedloge, sugestije i mišljenja učesnici javne rasprave mogli su dostaviti Ministarstvu obrazovanja, nauke, kulture i sporta Unsko-sanskog kantona pismeno na adresu Alije Đerzeleza broj 2, Bihać ili elektronski na mail adresu obrazovanje.usk@gmail.com ili obrazovanje.visoko@vladausk.ba. Javna rasprava trajala je do **ponedjeljka, 16.06.2025. godine**. Tekst nacrtu Zakona o izmjenama i dopunama Zakona o Univerzitetu se mogao preuzeti na internet stranici Vlade Unsko-sanskog kantona www.vladausk.ba.

Centralna javna rasprava o nacrtu Zakona o izmjenama i dopunama Zakona o Univerzitetu u Bihaću održana je u Bihaću, dana, 13.06.2025. godine s početkom u 13:30 sati u



sali Skupštine Unsko-sanskog kantona, na kojoj su, prema evidenciji, pored predstavnika Ministarstva, prisustvovala 2 lica i to dva skupštinska zastupnika: Fatka Kulenović i Emir Dautović.

Po okončanoj javnoj raspravi, Ministarstvo obrazovanja, nauke, kulture i sporta zaprimilo je akt Univerziteta u Bihaću broj: 02-3379/2025 od 18.06.2025. godine u kojem obavještavaju ovo Ministarstvo da nemaju primjedbi na dostavljeni prijedlog Zakona o izmjenama i dopunama Zakona o Univerzitetu u Bihaću.

U skladu sa članom 34 stav (6) Kolektivnog ugovora za radnike u visokom obrazovanju na području Unsko- sanskog kantona („Službeni glasnik Unsko- sanskog kantona“, broj: 3/25) svoje mišljenje na nacrt Zakona o izmjenama i dopunama Zakona o Univerzitetu u Bihaću, dostavio je Samostalni sindikat visokog obrazovanja i znanosti Bosne i Hercegovine- Kantonalni odbor USK aktom broj: 04-25 od 26.06.2025. godine u kojem izražavaju pozitivno mišljenje o nacrtu Zakona o izmjenama i dopunama, cijeneći njegovu usmjerenost na unapređenje pravnih okvira i regulativa u oblasti odgoja. Navode da nakon detaljne analize predloženog teksta, smatraju da nacrt sadrži jasne smjernice koje doprinose poboljšanju organizacije i funkcionisanja institucije, te da predviđeni mehanizmi unapređuju transparentnost i odgovornost u radu svih sudionika obrazovnog procesa. S obzirom na navedeno, SSVOiZ BIH Kantonalni odbor USK-a izražava svoju podršku nacrtu Zakona te preporučuje njegovo usvajanje u cilju unapređenja obrazovnog sistema.

Predlagač Zakona je unio dvije izmjene u odnosu na usvojeni nacrt Zakona i to zbog sugestije skupštinske Komisije za ustavna, zakonodavno- pravna i pitanja europskih integracija da se u članu 1. riječi u zagradi kojim se navodi Odluka kojom se osniva Fakultet zdravstvenih studija brišu, i u članu 34. stav (3) se briše riječ „još“, jer se radi o evidentnoj tehničkoj grešci, a iz samog sadržaja obrazloženja propisa koje je upućeno Vladi Unsko- sanskog kantona navodi se da je riječ „još“ na prijedlog Univerziteta u Bihaću brisana.

Obradila:
Adisa Eminoglu, dipl.pravnik

Dostavljeno:

- Skupštini USK,
- a/a



MINISTAR

Denis Osmanović, dipl.ecc



Centralna javna rasprava o nacrtu Zakona o izmjenama i dopunama Zakona o Univerzitetu u Bihacu
Bihac 13.06.2025. godine

r.br.	IME I PREZIME	Institucija/ustanova/funkcija
1.	10040161 Gpm	Služba USK
2.	FATIHA KULENOVIC	Služba USK
3.		
4.		
5.		
6.		
7.		
8.		
9.		
10.		
11.		
12.		
13.		
14.		
15.		
16.		
17.		
18.		
19.		
20.		
21.		



Broj: 04 - 11 - 7818 - 8/25
Bihać, 26.06.2025. godine

MINISTARSTVO OBRAZOVANJA,
NAUKE, KULTURE I SPORTA USK-a

PREDMET: Mišljenje o fiskalnoj procjeni, dostavlja se;
Veza, Vaš akt broj : 10/5-11-7818-5/25 od 23.06.2024. godine

Shodno članu 16. Stav1. Alineja 3. Poslovnika o radu Vlade Unsko-sanskog kantona ("Službeni glasnik Unsko-sanskog kantona" broj: 21/21), Ministarstvo finansija je u obavezi dati mišljenje na nacrt i prijedlog drugog propisa, odnosno drugog općeg akta, ako njegovo provođenje zahtjeva osiguranje finansijskih sredstava potrebnih za izvršenje propisa.

Dalje, po odredbi člana 1. i 2. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine FBiH " 34/16 i 15/18), obrađivač propisa i akata planiranja izrađuje izjavu o fiskalnoj procjeni prilikom izrade tih propisa i akata koje Vlada Federacije Bosne i Hercegovine, odnosno vlada kantona utvrđuje, donosi, odnosno na koje daje saglasnost, te propisa i akata planiranja koje Vlada predlaže Parlamentu Federacije Bosne i Hercegovine, odnosno Skupštini kantona.

U skladu sa naprijed citiranim Pravilnikom, Ministarstvo finansija razmatra i daje svoje mišljenje o fiskalnoj procjeni propisa ili akata planiranja, te dostavlja mišljenje obrađivaču propisa u roku koji je utvrđen Poslovníkom o radu Vlade. Sljedom gore navedenog dajemo sljedeće:

Mišljenje

Ministarstvo obrazovanja, nauke, kulture i sporta Unsko-sanskog kantona, je svojim aktom broj i datum gornji, Ministarstvu finansija dostavilo Prijedlog Zakona o izmjenama i dopunama Zakona o Univerzitetu u Bihaću , te Obrazac izjava o fiskalnoj procjeni (potpisan i ovjeren od strane ovlaštene osobe: Obrazac IFP-DA). Obrađivač je u obrazloženju obrasca naveo :

"Za provođenje gore navedenog Zakona nije potrebno osigurati dodatna sredstva u Budžetu Unsko-sanskog kantona u tekućoj, kao i n+1 i n+2 godini ".


Obzirom na navedeno Ministarstvo finansija smatra da je obrađivač akta postupio u skladu sa članom 7. Pravilnika u pogledu fiskalne procjene za Prijedlog Zakona o izmjenama i dopunama Zakona o Univerzitetu u Bihaću , uz napomenu da obrađivač akta - budžetski korisnik treba da se pridržava gornje granice rashoda odobrene za svakog budžetskog korisnika za fiskalnu i naredne dvije godine, a u okvirima fiskalnih kapaciteta u Budžetu Unsko-sanskog kantona.

S poštovanjem,
Obrađivač akta:
Zlatan Zirić, dipl.oec.

Dostavljeno:

1. Naslovu
2. Minist. finansija
3. a/a





1295

10

Broj: 07-02-7818-3/25
Bihać, 18.6.2025.godine

MINISTARSTVO OBRAZOVANJA, NAUKE, KULTURE I SPORTA
-ovdje-

PREDMET : Mišljenje, dostavlja se.-

VEZA: Vaš akt broj: 10-02-7818-1/25 od 16.6.2025. godine

U skladu sa članom 16. stav (1) alineja 2. Poslovnika o radu Vlade Unsko-sanskog kantona („Službeni glasnik Unsko-sanskog kantona“ broj 21/21), o dostavljenom prijedlogu Zakona o izmjenama i dopunama Zakona o Univerzitetu u Bihaću, obavještavamo vas da navedeni prijedlog Zakona ne sadrži materiju iz člana 16. stav (1) alineja 2. Poslovnika o radu Vlade Unsko-sanskog kantona, odnosno ne sadrži odredbe o ostvarivanju ljudskih prava i sloboda, odredbe o organizaciji pravosuđa i organizaciji organa uprave i upravnih organizacija i odredbe o sankcijama.

PO OVLAŠTENJU MINISTRA


Pomoćnik ministra za pravosuđe,

uprave i upravljanje ljudskim resursima

Adil Hadžić-Tuzlak, dipl. pravnik



Dostavljeno:
naslovu
-a/a



1295

Broj: 21/02-02-7818 6/25
Bihać, 24.06. 2025. godine

MINISTARSTVO OBRAZOVANJA, NAUKE KULTURE I SPORTA

PREDMET: Mišljenje na prijedlog Zakona o izmjenama i dopunama Zakona o
Univerzitetu u Bihaću, dostavlja se;

Na osnovu člana 4. Uredbe o Uredu za zakonodavstvo Vlade Unsko-sanskog kantona ("Službeni glasnik Unsko-sanskog kantona", broj: 9/11, 22/11 i 7/18), Ured za zakonodavstvo Vlade Unsko-sanskog kantona daje

MIŠLJENJE

na prijedlog Zakona o izmjenama i dopunama Zakona o Univerzitetu u Bihaću,

Pravni osnov za donošenje Zakona o izmjenama i dopunama Zakona o Univerzitetu u Bihaću (u daljnjem tekstu: prijedlog Zakona) sadržan je u odredbi člana 2. tačka b) Poglavlje IV. Ustava Unsko-Sanskog kantona – prečišćeni tekst ("Službeni glasnik Unsko-sanskog kantona", br. 1/2004 i 11/2004) koji propisuje utvrđivanje obrazovne politike, uključujući donošenje propisa o obrazovanju i osiguranje obrazovanja.

Ured za zakonodavstvo Vlade Unsko-sanskog kantona (u daljnjem tekstu: Ured), nakon analize Vašeg zahtjeva broj: 10-02-7818-1/2025 od 16.06.2025. godine, konstatuje da je tekst prijedloga Zakona u najvećoj mjeri identičan tekst nacrtu Zakona, na koji je ovaj Ured dao Mišljenje broj: 21/02-11-2697-4/25 od 03.03.2025. godine. Shodno tome, obrađivač je razmotrio dostavljene sugestije, pa one prihvaćene i integrirao u prijedlog Zakona, dok one sugestije koje nisu prihvaćene su obrazložene.

U odnosu na iznijeto dodatno sugerišemo da član 16. prijedloga Zakona uskladite sa članom 53. Pravila i postupaka za izradu zakona i drugih propisa Federacije Bosne i Hercegovine ("Službene novine Federacije Bosne i Hercegovine", broj: 71/14).

Ured za zakonodavstvo Vlade Unsko-sanskog kantona predlaže obrađivaču da, nakon razmatranja ovog Mišljenja, prijedlog Zakona uputi u daljnji postupak.

Dostavljeno:

1. Naslovu
2. a/a



UNIVERZITET U BIHAĆU

telefon/faks: 387 (0) 37 222-022

adresa: Pape Ivana Pavla II 2/II,
77000 Bihać

e-mail:kabinetrektort@unbi.ba



UNIVERSITY OF BIHAC

phone/fax: 387 (0) 37 222-022

address: Pape Ivana Pavla II 2/II,
77000 Bihac

e-mail:kabinetrektora@unbi.ba

REKTOR

Broj: 02- 3379/2025

Bihać, 18. 06. 2025. godine

Ministarstvo obrazovanja, nauke, kulture i sporta
N/r Ministra, Denis Osmankić

Predmet: Odgovor, dostavlja se-

Veza: Vaš akt, broj:10-02-78/8-1/25 od 16.06.2025. godine

Poštovani,

Vašim aktom, broj gornji, tražili ste naše mišljenje na prijedlog Zakona o izmjenama Zakona o Univerzitetu u Bihaću, a koje izmjene su vršene radi usklađivanja Zakona o Univerzitetu u Bihaću sa odredbama Zakona o visokom obrazovanju na području Unsko-sanskog kantona.

Ovim putem Vas obavještavamo da nemamo primjedbi na dostavljeni prijedlog Zakona o izmjenama Zakona o Univerzitetu u Bihaću, budući da su naše primjedbe na nacrt Zakona o izmjenama Zakona o Univerzitetu u Bihaću, dostavljene aktom, broj:02-1841/2025 od 27. 03.2025. godine, djelimično prihvaćene i uvrštene u prijedlog Zakona.

S poštovanjem.

Dostavljeno:

① Naslovu
2. a/a.



Rektor
Prof. dr. Atif Hodžić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAĆ

PRIMLJENO 22 2025
Organizacija Klasifikacija
10-02-78/8-4

25

Bosna i Hercegovina
Federacija Bosne i Hercegovine
Unsko-sanski kanton
SSVOiZ BIH Kantonalnog odbora BiH USK-a
Tel: +387 61 465 105

Broj: 04-25
Datum, 26.6.2025.godine

MINISTARSTVO OBRAZOVANJA, NAUKE KULTURE
I SPORTA USK-a

PREDMET: Mišljenje SSVOiZ BIH Kantonalnog odbora USK-a na Nacrt Zakona o izmjenama i dopunama– dostavlja se,

Poštovani,

SSVOiZ BIH Kantonalni odbor Unsko-sanskog kantona izražava pozitivno mišljenje o Nacrtu Zakona o izmjenama i dopunama, cijeneći njegovu usmjerenost na unapređenje pravnih okvira i regulativa u oblasti odgoja.

Nakon detaljne analize predloženog teksta, smatramo da Nacrt sadrži jasne smjernice koje doprinose poboljšanju organizacije i funkcionisanja institucije, te da predviđeni mehanizmi unapređuju transparentnost i odgovornost u radu svih sudionika obrazovnog procesa.

S obzirom na navedeno, SSVOiZ BIH Kantonalni odbor USK-a izražava svoju podršku Nacrtu Zakona te preporučuje njegovo usvajanje u cilju unapređenja obrazovnog sistema.

Predsjednik SSVOiZ KO USK
Van.pro Fed. Redžo Hasanagić

10 1296

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
BIHAĆ

PRIMLJENO	24-06-2025
Organizacija: SSVOiZ KO USK	Broj: 04-25
Broj: 10-02-8077-7	Broj priloga: 25

V - STRUKTURA KANTONALNE VLASTI**A. ZAKONODAVNA VLAST KANTONA****1. Opće odredbe****Član 1.**

Zakonodavno tijelo Kantona je Skupština Kantona, koja se sastoji od jednog doma.

Član 2.

(1) Skupština Kantona se sastoji od 30 poslanika.
Nacionalna struktura poslanika Skupštine održava nacionalnu strukturu stanovništva Kantona.

Član 3.

Poslanici u Skupštini Kantona imaju četverogodišnji mandat.

Član 4.

- (1) Poslanike u Skupštini Kantona biraju birači na demokratskim i neposrednim izborima, tajnim glasanjem, na cijelom teritoriju Kantona. Svaki birač ima pravo glasati za bilo koju od registriranih stranki.
- (2) Prije svakih izbora svaka registrirana stranka objavljuje izbornu listu kandidata. Poslanici će biti birani s vrha liste stranke prema broju dobivenih glasova; zamjene za poslanike obavljaju se od osoba koje slijede na ostatku liste.
- (3) Svaki birač može biti biran za poslanika u Skupštini Kantona.

Član 5.

Skupština Kantona prvi put bit će sazvana najkasnije deset dana nakon objavljivanja rezultata izbora.

Član 6.

Skupština Kantona ima predsjedavajućeg i zamjenike predsjedavajućeg.

Član 7.

- (1) U Skupštini Kantona formiraju se klubovi delegata konstitutivnih naroda, uz uslov da postoji najmanje jedan delegat tog konstitutivnog naroda.
- (2) Svaki klub delegata predlaže jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg koje potvrđuje Skupština kantona.
- (3) Skupština Kantona potvrđuje kandidate u skladu sa svojim poslovníkom.
- (4) Ako jedan konstitutivni narod nije zastupljen u Skupštini Kantona, jedno od mjesta zamjenika predsjedavajućeg ostaje upražnjeno.
- (5) Tri kandidata koja potvdi Skupština odlučuju između sebe ko će biti predsjedavajući.

Član 8.

Skupština Kantona zasjeda javno, osim u izuzetnim okolnostima predviđenim njenim poslovníkom i objavljuje izvještaje o zasjedanjima i odlukama.

Član 9.

Poslanici u Skupštini Kantona ne podliježu krivično - pravnoj, ni građansko - pravnoj odgovornosti za radnje koje čine u okviru svojih dužnosti u Skupštini Kantona.

Član 10.

Kantonálni zakoni stupaju na snagu kao što je u njima utvrđeno, ali ne prije nego što budu objavljeni u službenom glasilu Kantona.

2. Djelokrug Skupštine Kantona**Član 11.**

Skupština Kantona:

- a) priprema, donosi, proglašava Ustav Kantona, amandmane na Ustav Kantona i ustavni zakon Kantona;
- b) donosi zakone Kantona;
- c) potvrđuje imenovanje Vlade Kantona i popunu svakog slobodnog mjesta u Vladi;
- d) osniva sudove u Kantonu;
- e) razmatra izvještaje ombudsmena;
- f) usvaja budžet Kantona i donosi zakone o oporezivanju i na drugi način osigurava potrebno finansiranje;
- g) bira delegate u Dom naroda Parlamenta Federacije u skladu sa Ustavom i zakonom Federacije i ovim Ustavom;
- h) odlučuje o delegiranju ovlaštenja Kantona na federalne i općinske vlasti;
- i) odlučuje o osnivanju savjeta Kantona zajedno sa drugim kantonima;
- j) odobrava zaključivanje međunarodnih sporazuma s državama i međunarodnim organizacijama u skladu s Ustavom Federacije i ovim Ustavom;
- k) utvrđuje politiku i donosi propise koji se tiču koordinacije rješavanja međukantonálnih pitanja;
- l) provodi istrage i u tu svrhu može zahtijevati svjedočenja, dokaze i dokumenta, ne ulazeći u ovlaštenje sudske vlasti;
- m) donosi poslovník Skupštine;
- n) donosi i druge propise u obavljanju kantonálnih ovlaštenja;
- o) obavlja i druga ovlaštenja koja su joj povjerena ustavom i zakonom Federacije i Kantona i poslovníkom Skupštine Kantona;

Član 3.

Ovim Ustavom, u skladu sa Ustavom Federacije, osiguravaju se institucije vlasti u Kantonu i zaštita prava i sloboda, utvrđenih tim Ustavom.

Član 4.

Sastav svih organa u Kantonu mora odražavati i nacionalnu strukturu stanovništva Kantona, odnosno općine ako Ustavom nije drukčije utvrđeno.

Član 5.

Službeno ime Kantona je Unsko-sanski kanton.

Član 6.

Sjedište Kantona je u Bihaću.

Član 7.

- (1) Kanton ima grb, zastavu, pečat i druge simbole o kojima odluči Skupština Kantona.
- (2) Za prihvatanje simbola potrebna je većina glasova poslanika u Skupštini Kantona.
- (3) Simboli Kantona upotrebljavat će se, uz simbole Bosne i Hercegovine i Federacije, u skladu sa zakonom.

Član 8.

Službeni jezici Kantona su bosanski jezik, hrvatski jezik i srpski jezik. Službena pisma su latinica i cirilica.

Ostali jezici mogu se koristiti kao sredstvo komunikacije i nastave.

II - LJUDSKA PRAVA I OSNOVNE SLOBODE**Član 1.**

Kanton će poduzimati sve potrebne mjere zaštite ljudskih prava i sloboda utvrđenih u članovima 1. do 7., odjeljak A, poglavlja II i instrumentima Aneksa Ustava Federacije i ovim Ustavom.

Član 2.

Kanton će posebno osigurati uvjete za slobodan povratak svih izbjeglica i raseljenih osoba u prebivališta na području Kantona iz kojih su izbjegli ili raseljeni.

Član 3.

- (1) Sve osobe imaju pravo u skladu sa zakonom Federacije i Kantona, na povratak sve svoje imovine oduzete u toku etničkog progona kao i na nadoknadu za svu imovinu koja im ne može biti vraćena.
- (2) Sve pod prisilom date izjave i preuzete obaveze, posebno one koje se tiču odricanja od prava na zemlju i drugu imovinu, smatraju se ništavnim.

Član 4.

Svi sudovi, organi uprave, institucije koje obavljaju javna ovlaštenja i drugi organi vlasti u

Kantonu primjenjivat će i poštovati prava i slobode predviđene u aktima navedenim u Aneksu Ustava Federacije.

Član 5.

Svi ovlašteni organi vlasti u Kantonu će, u okviru saradnje koju ostvaruju ovlašteni organi Federacije, sarađivati s međunarodnim posmatračkim tijelima za ljudska prava osnovanim za Bosnu i Hercegovinu kao i nadzornim tijelima osnovanim instrumentima navedenim u Aneksu Ustava Federacije.

III - SARADNJA SA OMBUDSMENIMA**Član 1.**

Ljudska prava i slobode štite ombudsmeni u skladu s Ustavom Federacije i ovim Ustavom.

Ombudsmeni mogu ispitivati djelatnosti bilo koje institucije ili osobe u Kantonu, koje su negirale ljudsko dostojanstvo, prava i slobode, uključujući provođenje etničkog progona ili održavanje njegovih posljedica.

Član 2.

- (1) Organi vlasti u Kantonu dužni su omogućiti nesmetano ostvarivanje ovlaštenja ombudsmena koja su utvrđena Ustavom Federacije i ovim Ustavom, i u tom cilju će naročito:
 - a) davati na uvid sve službene dokumente, uključujući i tajne, te sudske i upravne spise;
 - b) osigurati saradnju svake osobe, uključujući svakog službenika, u davanju potrebnih informacija, dokumenata i spisa;
 - c) osigurati pristup i kontrolu svih mjesta gdje su osobe lišene slobode zatvorene ili gdje rade;
 - d) omogućiti prisustvovanje sudskim i upravnim postupcima kao i sastancima drugih organa.
- (2) Ombudsmeni su nezavisni u obavljanju svojih ovlaštenja i nijedan organ vlasti niti bilo koja osoba u Kantonu ne mogu se miješati u ta ovlaštenja.

Član 3.

Organi vlasti i institucije u Kantonu su obavezni razmotriti izvještaj ombudsmena i odgovoriti u roku koji on odredi.

IV - DJELOKRUG KANTONA**Član 1.**

Kanton ima sva ovlaštenja koja nisu Ustavom Federacije izričito povjerena federalnoj vlasti ili koja nisu Ustavom Federacije utvrđena kao zajednička ovlaštenja Federacije i Kantona.

Član 2.

Kanton je ovlašten, ako ovim Ustavom nije drugačije određeno za:

- a) uspostavljanje i nadziranje policijskih snaga, koje će imati jedinstvene federalne uniforme s kantonalnim oznakama;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguranja javnih službi;
- f) donošenje propisa o korištenju lokalnog zemljišta, uključujući zoniranje;
- g) donošenje propisa o unapređivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi s osiguranjem radija i televizije uključujući donošenje propisa o osiguranju njihova rada i izgradnje;
- j) provođenje socijalne politike i uspostava službi socijalne zaštite;
- k) stvaranje i primjenu politike kantonalnog turizma, razvoj turističkih resursa;
- l) finansiranje djelatnosti kantonalne vlasti ili njenih agencija oporezivanjem, zaduživanjem ili drugim sredstvima;
- m) obavljanje i drugih ovlaštenja utvrđenih ustavom i zakonom Federacije i Kantona.

Član 3.

Kanton i federalna vlast, u skladu sa Ustavom Federacije, ovlašteni su za:

- (a) jamčenje i provođenje ljudskih prava;
- (b) zdravstvo;
- (c) politika zaštite čovjekove okoline;
- (d) komunikacijsku i transportnu infrastrukturu, u skladu sa Ustavom Bosne i Hercegovine;
- (e) socijalnu politiku;
- (f) provođenje zakona i drugih propisa o državljanstvu i putnim ispravama državljana Bosne i Hercegovine sa teritorije Federacije, i o boravku i kretanju stranaca;
- (g) turizam;
- (h) korištenje prirodnih bogatstava.

Član 4.

- (1) U skladu sa potrebama, ovlaštenja iz prethodnog člana mogu biti ostvarivana zajednički ili odvojeno, ili od strane Kantona koordinirano od federalne vlasti.
- (2) O načinu ostvarivanja ovih ovlaštenja Kanton i federalna vlast dogovaraju se na trajnoj osnovi.

- (3) U obavljanju ovih ovlaštenja, u skladu s Ustavom Federacije i ovim Ustavom, Kanton će se obraćati međukantonalnom savjetu za koordinaciju rješavanja međukantonalnih pitanja i za dosljedno rješavanje pitanje koja se tiču interesa van njihovih kantonalnih granica te provoditi odluke, sudjelovati u odlučivanju i kad je potrebno, predlagati odluke u zakonodavnim tijelima. Kanton će utvđivati politiku i provoditi zakone koji se tiču svakog od ovih ovlaštenja.

Član 5.

U izvršavanju svojih nadležnosti utvrđenih Ustavom Federacije i ovim Ustavom, Kanton će voditi računa o nacionalnoj strukturi u svakoj općini i osiguravati da konstitutivni narodi i pripadnici grupe ostalih budu proporcionalno zastupljeni u ministarstvima kantona.

Takva proporcionalna zastupljenost u skladu je sa popisom stanovništva iz 1991. godine, do potpune provedbe Aneksa 7.

Član 6.

- (1) Kanton zakonom delegira svoja ovlaštenja na federalnu vlast ili na općine na svom teritoriju, u skladu s Ustavom Federacije i ovim Ustavom.
- (2) Zakon o delegiranju ovlaštenja Kantona na federalnu vlast donosi Skupština Kantona dvotrećinskom većinom glasova poslanika u Skupštini.

Član 7.

- (1) Prilikom donošenja propisa koji se odnose na lokalnu samoupravu Kanton će na prikladan način konsultirati općinske vlasti.
- (2) Kantonalne vlasti će osigurati izvore finansiranja općinama za delegirano ovlaštenje.
- (3) Kantonalna vlast obavlja upravni nadzor nad radom općinske vlasti u obavljanju prenesenih ovlaštenja.

Član 8.

Kanton može, u skladu s Ustavom Federacije i ovim Ustavom, zaključivati sporazume s državama i međunarodnim organizacijama.

Član 9.

- (1) Kanton može, zajedno sa drugim kantonima osnovati Savjet kantona radi koordiniranja politike i aktivnosti u vezi s pitanjima od zajedničkog interesa za njihove zajednice i radi obavljanja svojih predstavnika u Domu naroda.
- (2) Savjet može osnovati koordinacijska tijela, kao što su komisije i radne grupe, radi razmjene informacija i usklađivanja aktivnosti kantona u obavljanju njihovih ovlaštenja, ali ne mogu obuhvaćati vojne ili političke dogovore.

1117.

Na osnovu člana 156. i člana 157. Poslovnika Skupštine Unsko-sanskog kantona ("Službeni glasnik Unsko-sanskog kantona", broj: 9/17), Komisija za ustavna, zakonodavno-pravna i pitanja evropskih integracija Skupštine Unsko-sanskog kantona je na 52. sjednici utvrdila Prečišćeni tekst Zakona o Univerzitetu u Bihaću ("Službeni glasnik Unsko-sanskog kantona", broj: 16/09) u kojem je naznačeno stupanje na snagu navedenog propisa i njegove izmjene ("Službeni glasnik Unsko-sanskog kantona", broj: 4/11, 6/13, 22/13, 2/15, 11/16),

**ZAKON
O UNIVERZITETU U BIHAĆU
-PREČIŠĆENI TEKST-
GLAVA PRVA – OPĆE ODREDBE**

**Član 1.
(Sadržaj Zakona)**

Ovim Zakonom uređuju se pitanja vezana za status Javne ustanove "Univerzitet u Bihaću" (u daljem tekstu: Univerzitet), a naročito:

- a) Osnivač, naziv, pravni status, sjedište, obilježja i Statut
- b) Djelatnost
- c) Imovina
- d) Unutrašnja organizacija Univerziteta
- e) Organi Univerziteta
- f) Organi organizacionih jedinica
- g) Finansiranje Univerziteta
- h) Nadzor

**Član 2.
(Osnivač)**

- (1) Osnivač Univerziteta u Bihaću je Skupština Unsko-sanskog kantona (u daljem tekstu: Skupština Kantona).
- (2) Skupština Kantona vrši prava i dužnosti osnivača Univerziteta, preuzete Zakonom

o Univerzitetu u Bihaću ("Službeni glasnik Unsko-sanskog kantona", br. 8/98 i 8/06).

**Član 3.
(Naziv)**

- (1) Naziv Univerziteta glasi: Javna ustanova "Univerzitet u Bihaću" - "Universitas studiorum Bihigiensis".
- (2) Skraćeni naziv glasi: "Univerzitet u Bihaću".

**Član 4.
(Pravni status)**

- (1) Univerzitet u Bihaću je Javna ustanova u državnoj svojini sa svojstvom pravnog lica, koja svoju djelatnost obavlja kao javnu službu.
- (2) U okviru registrovane djelatnosti, Univerzitet ima sva prava i obaveze u pravnom prometu sa trećim licima.
- (3) Univerzitet u Bihaću, organiziran prema odredbama ovog Zakona, je pravni sljednik Univerziteta u Bihaću osnovanog 28. jula 1997. godine na osnovu Zakona o Univerzitetu ("Službeni list SRBiH", broj 39/9), Zakona o visokoškolskim ustanovama u državnoj svojini USK ("Službeni list USK", broj 1/96), te Odluke Skupštine USK o davanju saglasnosti na Ugovor o udruživanju u Univerzitet u Bihaću broj: 01-1- 88/97 od 28. jula 1997. godine, i prema Zakonu o Univerzitetu u Bihaću ("Službeni glasnik", broj 8/98), kao i njegovih članica udruženih u Univerzitet, a sada organizacionih jedinica Univerziteta u Bihaću.

**Član 5.
(Sjedište)**

Sjedište Univerziteta je u Bihaću, Pape Ivana Pavla II, br. 2/2.

**Član 6.
(Pečat, znak, žig i štambilj)**

- (1) Univerzitet ima pečat okruglog oblika, prečnika 50 mm, sa slijedećim tekstom:

- (2) UNIVERZITET U BIHAĆU - UNIVERSITAS STUDIORUM BIHIGIENSIS MCMXCVII, sa znakom Univerziteta u sredini pečata, ispisanim latiničnim i ćirilničnim pismom.
- (3) Univerzitet ima mali pečat, prečnika 20 mm, istog oblika i sadržaja kao i pečat iz stava (1) ovog člana.
- (4) Univerzitet ima suhi žig za ovjeru diplome i drugih odgovarajućih dokumenata, sa oblikom, veličinom i sadržajem iz stava (1) ovog člana.
- (5) Univerzitet može imati znak, kao i druge simbole, u skladu sa Statutom.
- (6) Bliže odredbe o broju pečata i načinu njihovog korištenja i čuvanja utvrđuju se općim aktom Univerziteta u skladu sa Zakonom.

Član 7.

(Pečat organizacionih jedinica)

- (1) Organizaciona jedinica Univerziteta ima pečat u skladu sa Statutom.
- (2) Pečat organizacione jedinice sadrži tekst pečata i naziv organizacione jedinice.

Član 8.

(Statut)

Statut je osnovni opći akt Univerziteta.

GLAVA DRUGA - DJELATNOST

Član 9.

(Djelatnost)

- (1) Djelatnost Univerziteta je:
 - a) 80.302 - Visoko obrazovanje
 - b) 80.420 Obrazovanje odraslih i ostalo obrazovanje na drugom mjestu nepomenuto - d.n. (obrazovanje tokom čitavog života)
 - c) 22.110 - Izdavanje knjiga
 - d) 22.120 - Izdavanje novina
 - e) 22.130 - Izdavanje časopisa i sličnih periodičnih izdanja
 - f) 22.140 - Izdavanje zvučnih zapisa
 - g) 22.150 - Ostala izdavačka djelatnost
 - h) 55.233 - Studentski domovi

- (2) U okviru djelatnosti visokog obrazovanja, Univerzitet u Bihaću obavlja naučno-istraživačku, umjetničku, ekspertsko-konsultantsku i izdavačku djelatnost, a može obavljati i druge poslove kojima se komercijalizuju rezultati naučnoistraživačkog rada, pod uslovom da se tim poslovima ne ugrožava kvalitet nastave, što će biti precizirano Statutom.
- (3) Univerzitet integrira funkcije svih organizacionih jedinica u svom sastavu, a posebno fakulteta, tako što provodi jedinstvenu politiku čiji je cilj stalno unaprijeđenje kvaliteta nastave, usavršavanje naučno-istraživačkog rada i umjetničkog stvaralaštva.
- (4) Univerzitet obavlja djelatnost neposredno ili preko svojih organizacionih jedinica.
- (5) Ostale djelatnosti Univerziteta precizirat će se Statutom.

GLAVA TREĆA - IMOVINA UNIVERZITETA

Član 10.

(Imovina Univerziteta)

- (1) Imovinu Univerziteta čine nepokretne stvari, pokretne stvari, novac i prava osigurana od osnivača, kao i imovina koja je stečena obavljanjem djelatnosti i na drugi način u skladu sa Zakonom.
- (2) Univerzitet stječe, upravlja i koristi svoju imovinu u skladu sa Zakonom.

Član 11.

(Ovlaštenja i odgovornost)

- (1) Univerzitet istupa u pravnom prometu samostalno, u okviru ovlaštenja utvrđenih Zakonom.
- (2) Za svoje obaveze Univerzitet odgovara svom svojom imovinom (potpuna odgovornost).
- (3) Osnivač je supsidijarno odgovoran za obaveze Univerziteta.

Član 12.
(Višak prihoda)

Višak prihoda nad rashodima Univerziteta koristi za unapređenje i razvoj djelatnosti zbog koje je osnovan.

**GLAVA ČETVRTA - UNUTRAŠNJA
ORGANIZACIJA UNIVERZITETA**

Član 13.
(Organizacione jedinice)

- (1) U sastavu Univerziteta ustanovljavaju se organizacione jedinice bez svojstva pravnog lica.
- (2) Prava, obaveze i odgovornosti, broj i naziv organizacione jedinice, ovlaštenja u pravnom prometu i druga pitanja odnosa Univerziteta i organizacione jedinice utvrđuju se ovim Zakonom i Statutom.
- (3) Organizacione jedinice upisuju se u Sudski registar.
- (4) Organizacione jedinice koje su organizovane na Univerzitetu su:
 - a) Ekonomski fakultet (osnovan Odlukom Skupštine USK broj 01-1-85/98 od 9. jula 1998)
 - b) Pravni fakultet (osnovan Odlukom Skupštine USK broj 01-1-86/98 od 9. jula 1998)
 - c) Pedagoški fakultet (osnovan Odlukom Skupštine USK broj 01-1-84/98 od 9. jula 1998)
 - d) Tehnički fakultet (Mašinski fakultet osnovan Odlukom Skupštine USK broj 01-5/96 od 10. februara 1996, transformiran u Tehnički fakultet Odlukom Skupštine USK broj 01-1-96/99 od 21. jula 1999)
 - e) Biotehnički fakultet (osnovan Odlukom Skupštine USK broj 01-1-83/98 od 9. jula 1998)
 - f) Visoka zdravstvena škola (osnovana kao Viša medicinska škola Odlukom Skupštine USK broj 01-1-87/98 od 9. jula 1998 a preimenovana u Visoku

zdravstvenu školu uz saglasnost Kantonalnog ministarstva obrazovanja, nauke, kulture i sporta broj: 10-05-8923-UP-1-2/06 od 18. oktobra 2006)

- (5) Islamski pedagoški fakultet (Ugovor o udruživanju broj 15/1. 612-52/97 od 30. juna 1997) ostaje u sastavu Univerziteta čiji je status regulisan navedenim ugovorom.
- (6) Univerzitet može ustanoviti i druge organizacione jedinice u skladu sa Statutom.

Član 14.
(Ovlaštenja u pravnom prometu)

- (1) Organizacione jedinice Univerziteta imaju određena ovlaštenja u pravnom prometu, kao i poseban obračun rezultata poslovanja u skladu sa Statutom.
- (2) U pravnom prometu sa trećim licima organizacione jedinice istupaju pod nazivom Univerziteta i svojim nazivom, u skladu sa Statutom.

GLAVA PETA - ORGANI UNIVERZITETA

Član 15.
(Organi Univerziteta)

- (1) Organi Univerziteta su: Upravni odbor, Senat i rektor.
- (2) Organi iz stava (1) ovog člana mogu osnivati stručne komisije i druga savjetodavna i stručna tijela.

Član 16.
(Upravni odbor)

1. Upravni odbor
- (1) Organ upravljanja Univerziteta je Upravni odbor.
- (2) Upravni odbor Univerziteta ima devet članova, i to šest koje imenuje osnivač u javnoj i transparentnoj konkursnoj proceduri koju provodi Vlada Unsko-sanskog kantona i tri iz reda akademske zajednice koje u javnoj i transparentnoj konkursnoj proceduri imenuje Senat Univerziteta u Bihaću.

- (3) Konačno imenovanje Upravnog odbora Univerziteta u Bihaću vrši osnivač.
- (4) Članovi upravnog odbora ispred osnivača moraju biti fakultetski obrazovani (VII/240 ECTS bodova) sa najmanje pet godina radnog iskustva od dana sticanja diplome i ne mogu biti uposlenici Univerziteta.
- (5) Predsjednik Upravnog odbora imenuje se iz reda Osnivača.
- (6) Mandat članova Upravnog odbora je četiri godine.
- (7) Bliža pitanja vezana za početak i način rada, prava i obaveze Upravnog odbora uredit će se Statutom.

**Član 17.
(Izuzeća)**

- (1) Rektor, prorektor, rukovodilac organizacione jedinice Univerziteta i članovi Senata ne mogu biti članovi Upravnog odbora.
- (2) Za člana Upravnog odbora ne može biti imenovano lice u radnom odnosu u organima koji vrše nadzor nad provođenjem zakona iz oblasti visokog obrazovanja i nadzor nad zakonitošću rada visokoškolskih ustanova, direktor javne ustanove koju osniva Kanton, direktor kantonalnog vanbudžetskog fonda, kao ni druga lica u skladu sa Zakonom i drugim propisima.

**Član 18.
(Razrješenje člana Upravnog odbora)**

- (1) Osnivač, odnosno Senat mogu razriješiti člana/članove upravnog odbora kojeg/koje su imenovali i prije isteka mandata u skladu sa Zakonom i Statutom.
- (2) Prijevremeno razrješenje člana Upravnog odbora bliže se uređuje Statutom.

**Član 19.
(Djelokrug poslova Upravnog odbora)**

- (1) Upravni odbor obavlja poslove utvrđene Zakonom i Statutom.
- (2) Nadležni organi su dužni obezbijediti

Upravnom odboru tražene i druge relevantne informacije i dokumentaciju vezanu za rad Univerziteta.

**Član 20.
(Naknada za rad članovima Upravnog odbora)**

Članovima Upravnog odbora Univerziteta pripada naknada za rad u Upravnom odboru u visini koju utvrđuje Vlada Kantona.

**Član 21.
(Senat)**

2. Senat

- (1) Senat je najviše izborno tijelo akademske zajednice, kojim predsjedava rektor, koji se bira iz reda akademskog osoblja u skladu sa Zakonom i Statutom.
- (2) Broj članova, sastav i način rada Senata utvrđuje se Zakonom o visokom obrazovanju („Službeni glasnik Unsko-sanskog kantona“, broj: 8/09) i Statutom Univerziteta u Bihaću.
- (3) Svaka organizaciona jedinica je zastupljena najmanje jednim članom u Senatu u skladu sa Statutom.
- (4) Senat Univerziteta u Bihaću se sastoji od najmanje 15% studentskih predstavnika iz reda studenata sva tri ciklusa, zastupljenih na način da prvi ciklus ima dva predstavnika, a drugi i treći ciklusi po jednog predstavnika.
- (5) Predstavničko tijelo koje delegira predstavnike studenata u Senat sukladno odredbama ovog Zakona je Unija studenata Univerziteta u Bihaću.
- (6) Predstavnici studenata, asistenata i viših asistenata koji se biraju u Senat moraju biti sa različitih organizacionih jedinica.

**Član 22.
(Nadležnost Senata)**

- (1) Senat Univerziteta odlučuje o svim akademskim pitanjima u okviru ovlaštenja utvrđenih Zakonom, a posebno:

- a) o pitanjima nastavne, naučne, umjetničke i stručne djelatnosti Univerziteta;
 - b) donosi Statut, uz prethodno pribavljenu saglasnost Upravnog odbora i dobijene saglasnosti Skupštine Unsko-sanskog kantona;
 - c) donosi Etički kodeks u skladu sa Zakonom i Statutom;
 - d) donosi opće akte u skladu sa Zakonom i Statutom;
 - e) donosi nastavne planove i nastavne programe svih ciklusa studija;
 - f) bira i razrješava rektora nakon provedene javne konkursne procedure;
 - g) bira i razrješava prorektora na prijedlog upravnog odbora, nakon provedene javne konkursne procedure;
 - h) razrješava rektora i prorektore Univerziteta uz prethodnu saglasnost Upravnog odbora Univerziteta;
 - i) bira akademsko osoblje na prijedlog nastavno-naučnog vijeća organizacione jedinice;
 - j) prati realizaciju razvoja visokoškolske ustanove sa stanovišta ostvarivanja nastavnog, naučno-nastavnog, umjetničkog, umjetničko-nastavnog, umjetničko-istraživačkog i stručnog rada putem analize izvještaja rukovodilaca organizacionih jedinica i na druge načine;
 - k) predlaže Upravnom odboru godišnji program rada visokoškolske ustanove;
 - l) razmatra prijedloge organizacionih jedinica o realizaciji studija u saradnji sa domaćim i stranim visokoškolskim ustanovama koje mogu imati za rezultat izdavanje dvojnih ili zajedničkih diploma;
 - m) imenuje komisije u postupku stjecanja doktorata nauka na prijedlog nastavno-naučnog vijeća odnosno umjetničko-nastavnog vijeća i odlučuje o izvještajima tih komisija i imenuje mentora;
 - n) dodjeljuje počasno zvanje "profesor emeritus", te "počasni doktor nauka";
 - o) podnosi prijedlog Upravnom odboru za organiziranje i ukidanje fakulteta i drugih organizacionih jedinica Univerziteta;
 - p) odobrava razvojne i organizacione planove;
 - q) imenuje svoja stalna ili privremena tijela, radne grupe, komitete, grupe za praćenje kvaliteta rada i slično;
 - r) propisuje odredbe kojima se regulira rad organa koje on imenuje;
 - s) predlaže upisnu politiku resornom ministarstvu u skladu sa potrebama tržišta rada;
 - t) obavlja druge poslove u skladu sa Zakonom i Statutom.
- (2) Senat Univerziteta odlučuje o akademskim pitanjima na prijedlog stručnih organa organizacionih jedinica, kao i drugih organa i predstavničkih tijela studenata.

Član 23. (Rektor)

3. Rektor

- (1) Organ rukovođenja Univerziteta je rektor, koji se bira u proceduri javnog konkursa.
- (2) Za rektora može biti izabran nastavnik u naučno- -nastavnom zvanju redovnog profesora, koji ispunjava uslove za to zvanje na Univerzitetu.
- (3) Rektora bira i razrješava Senat tajnim glasanjem natpolovičnom većinom od ukupnog broja članova Senata, uz prethodnu saglasnost Upravnog odbora Univerziteta, na mandat od četiri godine i može biti ponovo izabran još jedan mandat.
- (4) Rektor se bira i razrješava u skladu sa uslovima i postupkom propisanim ovim Zakonom.
- (5) Za rektora ne može biti izabrano lice koje ima funkciju u izvršnim organima političke stranke.
- (6) Ista osoba može biti izabrana za rektora Univerziteta ukupno dva mandata računajući od osnivanja Univerziteta.

Član 24.
(Vršilac dužnosti rektora)

Ako je pozicija rektora, prije isteka perioda na koji je izabran, ostala upražnjena iz ličnih ili drugih razloga, Senat Univerziteta iz redova uposlenika Univerziteta imenuje vršioca dužnosti rektora, uz prethodnu saglasnost Upravnog odbora Univerziteta, koji obavlja dužnost do izbora novog rektora, a najduže šest (6) mjeseci.

Član 25.
(Ovlaštenja)

Rektor ne može bez prethodne saglasnosti Upravnog odbora sklapati poslove o stjecanju, opterećenju ili otuđenju imovine, kao ni raspolagati sredstvima preko iznosa utvrđenog Zakonom i Statutom.

Član 26.
(Djelokrug)

Rektor obavlja poslove utvrđene Zakonom o visokom obrazovanju i Statutom.

Član 27.
(Odgovornost)

- (1) Rektor je odgovoran za zakonitost rada Univerziteta.
- (2) Rektor za svoj rad u domenu akademskih pitanja odgovara Senatu, a u domenu rada i poslovanja Upravnom odboru.
- (3) Rektor jednom godišnje podnosi Senatu izvještaj o svom radu u domenu akademskih pitanja početkom akademske godine za prethodnu akademsku godinu, a Upravnom odboru izvještaj o svom radu i poslovanju početkom kalendarske godine za prethodnu godinu.

Član 28.
(Razrješenje)

- (1) Pored slučajeva utvrđenih Zakonom, rektor može biti razriješen dužnosti i prije isteka

vremena na koje je imenovan u slučaju ozbiljnog kršenja odredbi Statuta i drugih općih akata Univerziteta, kršenja Zakona i drugih propisa, ako ostvaruje loše poslovne rezultate i ne izvršava zadatke predviđene Zakonom, drugim propisom ili Statutom, ili ih izvršava protivno njima, ili prekorači ovlaštenja, ako bude pravosnažno osuđen za krivično djelo, ako svojim ponašanjem povrijedi ugled i dužnost koju vrši, izgubi sposobnost obavljanja dužnosti rektora, zbog odsutnosti ili spriječenosti da u periodu dužem od tri mjeseca obavlja dužnost rektora i u drugim slučajevima predviđenim Zakonom i Statutom.

- (2) Prijedlog za razrješenje rektora Univerziteta može dati osnivač, jedna trećina (1/3) članova Senata, najmanje tri nastavno-naučna, odnosno umjetničko-nastavna vijeća organizacionih jedinica i natpolovična većina ukupnog broja članova Upravnog odbora.

Član 29.
(Obustavljanje općeg i pojedinačnog akta)

- (1) Rektor Univerziteta dužan je da obustavi od izvršenja opći akt donesen na Univerzitetu koji nije u saglasnosti sa Ustavom ili je u suprotnosti sa Zakonom i drugim propisima, kao i izvršavanje pojedinačnog akta kojim se nanosi šteta Univerzitetu ili društvenoj zajednici, i da o tome obavijesti, u roku od sedam (7) dana od dana donošenja odluke, Senat, odnosno Upravni odbor u skladu sa njihovim nadležnostima, kao i organ uprave koji vrši nadzor nad zakonitošću rada visokoškolske ustanove.
- (2) Rektor je dužan upozoriti dekana i ostale rukovodioce na Univerzitetu na protivzakonitost ili protivustavnost njihovih donesenih odluka i o tome obavijestiti Senat i nastavno - naučno

odnosno umjetničko - -nastavno vijeće organizacione jedinice.

**Član 30.
(Porektori)**

- (1) Rektor u radu pomažu prorektori, koje bira i razrješava Senat uz prethodnu saglasnost Upravnog odbora Univerziteta, tajnim glasanjem nakon provedene procedure javnog konkursa.
- (2) Broj, uslovi izbora i razrješenja i ovlaštenja prorektora bliže se uređuju Statutom, u skladu sa zakonom.
- (3) Za prorektora ne može biti izabrano lice koje ima funkciju u izvršnim organima političke stranke, kao ni drugo lice utvrđeno Statutom.
- (4) Rektor/rektorica i prorektor/prorektorica u toku mandata ne mogu vršiti funkciju dekana/direktora ili prodekana organizacione jedinice, kao ni člana Upravnog odbora visokoškolske ustanove.
- (5) U slučaju upražnjene pozicije prorektora, upravni odbor imenuje vršioca dužnosti prorektora na period najduže do 90 dana.

**GLAVA ŠESTA – ORGANI
ORGANIZACIONIH JEDINICA**

**Član 31.
(Organi organizacionih jedinica
Univerziteta)**

- (1) Organi organizacionih jedinica Univerziteta su:
 - a) nastavno-naučno, odnosno nastavno- -umjetničko vijeće;
 - b) dekan/direktor.

Organizacione jedinice iz stava (1) ovog člana mogu imati i druge organe, što se uređuje Statutom.

**Član 32.
(Nastavno-naučno i nastavno-umjetničko
vijeće)**

- (1) Nastavno-naučno, odnosno nastavno-umjetničko vijeće je akademsko tijelo

kojeg čine nastavnici i saradnici koji su sa punim radnim vremenom na Univerzitetu i koji učestvuju u naučno-nastavnom procesu organizacione jedinice, kao i predstavnici studenata sva tri ciklusa studiranja, izabrani od studentskog predstavničkog organa, u skladu sa Statutom.

- (2) Nastavno-naučno, odnosno nastavno-umjetničko vijeće:

- a) predlaže nastavni plan i program za organizacionu jedinicu kao dio integralnog nastavnog plana i programa Univerziteta;
- b) donosi odluke o akademskim, naučnim, umjetničkim i stručnim pitanjima na nivou organizacione jedinice;
- c) obrazuje komisije u postupku stjecanja naučnog stepena magistra i imenuje mentora i predlaže komisiju u postupku stjecanja naučnog stepena doktora nauka i predlaže mentora;
- d) bira prodekana i predstavnika u Senatu tajnim glasanjem natpolovičnom većinom svih članova vijeća;
- e) odlučuje o prigovorima studenata na odluku dekana o pojedinačnim pravima, obavezama i odgovornostima studenata;
- f) obavlja i druge poslove u skladu sa Zakonom i Statutom.

**Član 33.
(Dekan/direktor)**

- (1) Dekan/direktor organizuje i rukovodi radom i predstavlja i zastupa organizacionu jedinicu Univerziteta, a posebno:
 - a) saziva i predsjedava sjednicama nastavno - naučnog vijeća, odnosno nastavno - umjetničkog vijeća organizacione jedinice;
 - b) predlaže rektoru unutrašnju organizaciju i sistematizaciju radnih

- mjesta organizacione jedinice;
- c) odlučuje u prvom stepenu o pojedinačnim pravima studenata;
 - d) odlučuje i snosi odgovornost za korištenje sredstava kojima raspolaže organizaciona jedinica u skladu sa općim aktom Univerziteta;
 - e) naredbodavac je za izvršenje finansijskog plana koji se odnosi na organizacionu jedinicu u skladu sa Statutom;
 - f) obavlja druge poslove utvrđene Statutom.
- (2) Dekan može raspolagati sredstvima organizacione jedinice do iznosa utvrđenog Statutom.

Član 34. (Izbor dekana/direktora)

- (1) Dekana/direktora bira i razrješava nastavno-naučno, odnosno nastavno-umjetničko vijeće organizacione jedinice, sa liste kandidata a na koju prethodnu saglasnost daje Upravni odbor Univerziteta.
- (2) Za dekana/direktora može biti izabran nastavnik u nastavničkom zvanju (docent, vanredni ili redovni profesor) u skladu sa Zakonom o visokom obrazovanju.
- (3) Dekana/direktora se bira na četiri godine po proceduri javnog konkursa i može biti ponovo izabran još jedan mandat.
- (4) Uslovi i postupak izbora i razrješjenja dekana/ direktora bliže se uređuju Statutom.
- (5) Za dekana/direktora ne može biti izabrano lice koje ima funkciju u izvršnim organima političke stranke, kao ni drugo lice utvrđeno Statutom.
- (6) Za vrijeme trajanja mandata, dekan/direktor zasniva radni odnos na Univerzitetu sa punim radnim vremenom.
- (7) Ako je pozicija dekana/direktora prije isteka perioda na koji je izabran ostala upražnjena iz ličnih ili drugih razloga, Senat iz redova uposlenika Univerziteta imenuje vršioca dužnosti dekana/direktora (u zvanju docenta, vanrednog ili redovnog

profesora) uz prethodnu saglasnost Upravnog odbora Univerziteta, koji obavlja dužnost do izbora novog dekana/direktora, a najduže šest mjeseci.

- (8) Ista osoba može biti izabrana za dekana fakulteta ukupno dva mandata računajući od osnivanja Univerziteta.

Član 35. (Razrješenje dekana/direktora)

Dekan/direktor može biti razriješen prije isteka perioda na koji je izabran, uz prethodnu saglasnost Upravnog odbora Univerziteta, u slučajevima:

- a) ako ostvaruje loše poslovne rezultate,
- b) ako bude osuđen za krivično djelo,
- c) ako ne izvršava zadatke utvrđene Zakonom, osnivačkim aktom i Statutom, ili ih izvršava protivno njima, ili prekorači ovlaštenja,
- d) zbog odsutnosti ili spriječenosti da u periodu dužem od tri mjeseca obavlja dužnost dekana/direktora,
- e) ako svojim ponašanjem povrijedi ugled funkcije dekana/direktora,
- f) ako mu većina članova nastavno-naučnog vijeća, odnosno nastavno-umjetničkog vijeća iskaže nepovjerenje, tajnim izjašnjavanjem.
- g) i u drugim slučajevima utvrđenim Zakonom i Statutom.

Prijedlog za razrješenje dekana/direktora organizacione jedinice može dati osnivač, rektor, jedna trećina članova Senata ili jedna trećina članova nastavno-naučnog, odnosno nastavno-umjetničkog vijeća.

Član 36. (Prodekani)

- (1) Dekanu u radu pomažu prodekani.
- (2) Broj prodekana, uslovi i postupak izbora i razrješjenja, kao i njihova prava i obaveze utvrđuju se Statutom.

Član 37.**(Organi drugih organizacionih jedinica)**

- (1) Institut, kao naučno - istraživačka organizaciona jedinica, ima Stručno vijeće i direktora.
- (2) Institut može imati i druge organe u skladu sa Statutom.
- (3) Druge organizacione jedinice Univerziteta, kao i njihove podorganizacione jedinice, imaju svoje organe u skladu sa Statutom.

Član 38.**(Sadržaj Statuta)**

Pored odredbi utvrđenih Zakonom, Statut Univerziteta sadržava odredbe o stručnim i drugim organima organizacionih jedinica Univerziteta, postupku i uslovima njihovog obrazovanja i popunjavanja, sastavu, broju članova i nadležnosti tih organa.

**GLAVA SEDMA - FINANSIRANJE
UNIVERZITETA****Član 39.****(Finansiranje Univerziteta)**

- (1) Univerzitet stječe sredstva za obavljanje svoje djelatnosti:
 - a) iz sredstava osnivača;
 - b) upisnina, školarina koju plaća student/studentica;
 - c) uplata za obavljanje intelektualnih i drugih usluga;
 - d) sredstava od izdavačke djelatnosti;
 - e) sredstava osiguranih realizacijom naučno- istraživačkog rada, te izradom stručnih i konsultantskih projekata;
 - f) pružanjem usluga u nastavi drugim visokoškolskim institucijama
 - g) prodaje dokumenata koji se koriste za upis (indeksi i upisni materijal) i dokumenata koji se koriste u toku

studija i diplomiranja;

- h) donacija, naslijeđa, darova;
- i) legata, poklona i zavještanja;
- j) kredita i
- k) drugih Zakonom dozvoljenih izvora.
- (2) Sva novčana sredstva pripadaju Univerzitetu i troše se u skladu sa Zakonom, podzakonskim aktom, Statutom i usvojenim finansijskim planom.
- (3) Organizaciona jedinica Univerziteta može stjecati sredstva iz stava (1) ovog člana u skladu sa Zakonom i Statutom Univerziteta.
- (4) Sredstva iz stava (1) ovog člana se iskazuju i evidentiraju u skladu sa trezorskim poslovanjem.
- (5) Senat utvrđuje upisne kvote i donosi odluku o visini školarine, koju plaćaju studenti na Univerzitetu, uz prethodnu saglasnost Vlade Kantona.
- (6) Visokoškolske ustanove vjerskih zajednica u Bosni i Hercegovini koje su pridružene u Univerzitet u Bihaću na osnovu ugovora o pridruživanju za poslove osnovne djelatnosti finansiraju se na isti način kao i organizacione jedinice Univerziteta.

Član 40.**(Vlastiti prihodi)**

- (1) Vlastiti prihodi Univerziteta, koji su kao takvi definisani posebnim propisima, raspodjeljuju se na način i u rokovima utvrđenim posebnim propisima, Statutom i usvojenim finansijskim planom Univerziteta.
- (2) Kriterije za raspored sredstava koja Univerzitet ostvaruje iz vlastitih prihoda na organizacione jedinice Univerziteta donosi Upravni odbor Univerziteta u skladu sa Zakonom i Statutom.

Član 41.**(Interna kontrola i revizija)**

Univerzitet uspostavlja internu kontrolu i internu reviziju poslovanja u skladu sa Zakonom.

GLAVA OSMA - NADZOR**Član 42.
(Nadzor)**

- (1) Nadzor nad provođenjem ovog Zakona i propisa donesenih za njegovo provođenje vrši Ministarstvo obrazovanja, nauke, kulture i sporta i donosi podzakonski akt o postupku upravnog nadzora.
- (2) Nadzor se vrši na način koji ne narušava autonomiju Univerziteta i ne ometa njegov redovan rad.

**GLAVA DEVETA - PRELAZNE I ZAVRŠNE
ODREDBE****Član 43.
(Pravo na završetak studija)**

- (1) Studenti upisani na dodiplomski i postdiplomski studij na dan stupanja na snagu ovog Zakona imaju pravo završiti studij prema nastavnom programu i uslovima koji su važili prilikom upisa u prvu godinu studija i steći odgovarajući stručni, odnosno naučni naziv prema propisima koji su važili prije stupanja na snagu ovog Zakona.
- (2) Student koji je do stupanja na snagu ovog Zakona izgubio pravo na dalje redovno studiranje može nastaviti studij uz obavezu plaćanja troškova studija ukoliko je organizaciona jedinica u mogućnosti da organizira nastavak studija.
- (3) Prava i obaveze završetka studija po ovom članu ograničava se na 30.09.2017. godine.

**Član 43a.
(Okončanje postupka za stjecanje naučnog
stepena doktor nauka)**

Studenti koji su započeli postupak za stjecanje naučnog stepena doktora nauka prema odredbama propisa koje su važile na dan stupanja na snagu ovog zakona imaju pravo i obavezu okončati započeti postupak i

steći naučni stepen doktora nauka prema odredbama ranijih propisa najkasnije do 31.12.2017. godine.

**Član 44.
(Pravo na reizbor)**

- (1) Viši asistent koji je to zvanje stekao prema odredbama Zakona o Univerzitetu u Bihaću ("Službeni glasnik Unsko-sanskog kantona", br. 8/98 i 8/06) i koji je u radnom odnosu na Univerzitetu u Bihaću ima pravo na još jedan reizbor po propisima i uslovima koji su važili do dana stupanja na snagu ovog Zakona.

**Član 45.
(Mandat privremenog Upravnog odbora)**

Osnivač može imenovati privremeni Upravni odbor u punom sastavu na period od 90 dana u sljedećim slučajevima:

- a) istekom mandata upravnom odboru ako nije okončana procedura izbora novog upravnog odbora,
- b) prijevremenog razrješenja upravnog odbora.

**Član 46.
(Mandat rektora i prorektora Univerziteta,
dekana i prodekana fakulteta)**

Rektor i prorektori Univerziteta, te dekani i prodekani fakulteta izabrani prije stupanja na snagu ovog Zakona ostaju na istoj dužnosti do izbora organa Univerziteta i organizacionih jedinica u skladu sa ovim Zakonom, odnosno do upisa Univerziteta u Sudski registar.

**Član 47.
(Rok za donošenje statuta)**

- (1) Upravni odbor Univerziteta, zatečen na dužnosti na dan stupanja na snagu ovog Zakona, će donijeti statut Univerziteta u Bihaću u roku od 30 dana od dana njegovog stupanja na snagu.

- (2) Univerzitet je dužan uskladiti svoju organizaciju, rad, opće akte i ugovore o radu sa odredbama Zakona o visokom obrazovanju ("Službeni glasnik Unsko-sanskog kantona", broj 8/09) najkasnije u roku od devet mjeseci od dana njegovog stupanja na snagu.

Član 48.

(Osnov za upis u Sudski registar)

- (1) Ovaj Zakon je pravni osnov za upis promjena u Sudskom registru i Registru ustanova.
- (2) Upisom u Sudski registar brišu se upisi integriranih ustanova po osnovu ugovora o udruživanju u Univerzitet u Bihaću navedenih u članu 13. ovog Zakona, osim Islamskog pedagoškog fakulteta u Bihaću, čiji je osnivač Sabor Islamske zajednice u Bosni i Hercegovini.

Član 48a.

(Privremeni upravni odbor)

- (1) Privremeni upravni odbor Univerziteta u Bihaću u skladu sa ovim Zakonom ima sljedeće nadležnosti:

- a) uspostavlja legalne i legitimne organe upravljanja na Univerzitetu u Bihaću,
- b) razrješava postojeće vršioce dužnosti rektora, prorektora i dekane,
- c) imenuje vršioce dužnosti, rektora, prorektora i dekane na period od najduže šest mjeseci,
- d) raspisuje javni poziv najkasnije u roku od mjesec dana za izbor rektora, prorektora i dekana u skladu sa Zakonom i Statutom Univerziteta u Bihaću.

Član 48b.

(Mirovanje radnopravnog statusa za vrijeme trajanja javne funkcije)

Uposlenici Univerziteta u Bihaću (nastavnici i saradnici sa punim radnim vremenom) imaju pravo na mirovanje radnopravnog statusa za vrijeme trajanja javne funkcije.

Član 49.

(Prestanak primjene ranijih propisa)

Stupanjem na snagu ovog Zakona prestaje primjena Zakona o Univerzitetu u Bihaću ("Službeni glasnik Unsko-sanskog kantona", br. 8/98 i 8/06).

Član 49a.

Vlada Unsko-sanskog kantona će u skladu sa ovim zakonom imenovati privremeni upravni odbor od devet članova do uspostavljanja legalnih i legitimnih organa upravljanja najduže na period od 6 mjeseci.

Član 50.

(Stupanje na snagu)

Ovaj Zakon stupa na snagu osmog dana od dana objavljivanja u „službenom glasniku Unsko sanskog kantona.

Član 50a.

(Statut)

Senat Univerziteta je u obavezi u narednih 90 dana od dana stupanja na snagu ovog zakona usaglasiti odredbe statuta Univerziteta u Bihaću sa odredbama ovog zakona i isti uputiti Skupštini kantona.

Član 50b.

(Prestanak mandata)

- (1) Stupanjem na snagu ovog zakona zatečenim rukovodećim kadrovima na Univerzitetu u Bihaću, odnosno rektoru, prorektoru i dekanima prestaje mandat.
- (2) Navedeni kadrovi iz stava (1) ovog člana postaju vršioци dužnosti najduže 90 dana od dana stupanja na snagu ovog zakona.
- (3) Predsjedniku Senata koji je stupanjem na

snagu ovog zakona zatečen na toj poziciji prestaje mandat.

Član 51.

(Donošenje i stupanje na snagu prečišćenog teksta)

Službeni prečišćeni tekst Zakona o Univerzitetu u Bihaću obuhvata: Zakon o Univerzitetu u Bihaću („Službeni glasnik Unsko-sanskog kantona“, broj:16/09), Zakon o izmjenama i dopunama Zakona o Univerzitetu u Bihaću („Službeni glasnik Unsko-sanskog kantona“, broj: 4/11), Zakon o izmjenama i dopunama Zakona o Univerzitetu u Bihaću („Službeni glasnik Unsko-sanskog kantona“, broj: 6/13), Zakon o izmjenama i dopunama Zakona o Univerzitetu u Bihaću („Službeni glasnik Unsko-sanskog kantona“, broj: 22/13), Zakon o izmjenama i dopunama Zakona o Univerzitetu u Bihaću („Službeni glasnik Unsko-sanskog kantona“ broj: 2/15) i Zakona o izmjenama i dopunama Zakona o Univerzitetu u Bihaću („Službeni glasnik Unsko-sanskog kantona“ broj: 11/16), a u kojima je naznačen dan njihovog stupanja na snagu.

Broj: 02/2-02-1-683-5/17

27. oktobra 2017.godine

B i h a ć

Predsjedavajući komisije
za ustavna, zakonodavno pravna
i pitanja evropskih integracija
doc.dr. Albin Muslić

1118.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“ broj: 5/08), člana 55. stav (4) Zakona o državnoj službi u Unsko-sanskom kantonu („Službeni glasnik Unsko-sanskog kantona broj: 14/17 i 16/17), na prijedlog Ministarstva pravosuđa i uprave, uz pribavljeno mišljenje sindikata, Vlada Unsko-sanskog kantona, na sjednici održanoj dana 14.12.2017.godine, donosi:

U R E D B U

O PRAVILIMA DISCIPLINSKOG POSTUPKA ZA DISCIPLINSKU ODGOVORNOST DRŽAVNIH SLUŽBENIKA I NAMJEŠTENIKA U ORGANIMA DRŽAVNE SLUŽBE U UNSKO-SANSKOM KANTONU

POGLAVLJE I. OSNOVNE ODREDBE

Član 1.

(Predmet Uredbe)

Ovom Uredbom regulišu se pravila disciplinskog postupka koja se odnose na disciplinsku odgovornost za povrede službene dužnosti utvrđene Zakonom o državnoj službi u Unsko-sanskom kantonu, koje učine državni službenici i namještenici u organima uprave i upravnim organizacijama (u daljem tekstu: organi državne službe) Unsko-sanskog kantona (u daljem tekstu: Kanton).

Član 2.

(Slučajevi na koje se ne primjenjuje ova Uredba)

Ova Uredba se ne primjenjuje na ona lica koja su članom 10. Zakona o državnoj službi u Unsko-sanskom kantonu (u daljnjem tekstu: Zakon) izuzeta od primjene Zakona.

Član 3.

(Krivica državnog službenika odnosno namještenika kao temelj za disciplinsku odgovornost)

Državni službenik odnosno namještenik, odgovara disciplinski samo za povrede službene dužnosti koje su nastale kao rezultat njegove krivice.

Član 4.

(Oslobađanje od disciplinskog postupka)

- (1) Državni službenik odnosno namještenik, ne odgovara disciplinski, ako u vrijeme izvršenja povrede službene dužnosti, nije bio uračunljiv ili je bio u stvarnoj ili pravnoj zabludi.
- (2) Utvrđivanje okolnosti iz stava (1) ovog člana vrši se u skladu sa odredbama Krivičnog

ZAKON

o izmjenama i dopunama Zakona o šumama

Član 1.

U Zakonu o šumama („Službeni glasnik Unsko-sanskog kantona“ br. 22/12, 16/16 i 12/17) u članu 9. stav (3) riječi „najduže četiri godine“ zamjenjuju se riječima „do donošenja šumskoprivrednih osnova“.

Član 2.

Član 91a. stav (1) mijenja se i glasi:

„(1) Zaposlenici kantonalne uprave za šumarstvo raspoređeni na poslove neposredne zaštite šuma preuzimaju se i raspoređuju od strane korisnika šuma bez javnog poziva, a u skladu sa stručnom spremom i radnim iskustvom najkasnije do 30.06.2018.godine“.

U istom članu dodaje se novi stav (2) koji glasi:

„(2) U roku od 90 dana od dana stupanja na snagu ovog Zakona rukovodilac kantonalne uprave za šumarstvo će uz saglasnost ministra uvrstiti kriterije primjenom kojih će dio zaposlenika iz stava (1) ovog člana, u skladu sa potrebama kantonalne uprave za šumarstvo zadržati u radnom odnosu u kantonalnoj upravi za šumarstvo za rad u privatnim šumama.“

(3) U stavu (2) koji postaje stav (3) riječi „u roku od šest mjeseci od stupanja Zakona na snagu“ zamjenjuju se riječima „najkasnije do 30.06.2018.godine“.

Dosadašnji stav (3) postaje stav (4).

Član 3.

Ovaj Zakon stupa na snagu narednog dana od dana objavljivanja u „Službenom glasniku Unsko-sanskog kantona“.

Broj: 01-02-1-653/17
22. decembra 2017.
B i h a ć

Predsjedavajući Skupštine
Unsko-sanskog kantona
Nijaz Hušić, prof.

1149.

Shodno odredbama IV.2.b) i V.A.11.b) Ustava Unsko – sanskog kantona – Prečišćeni tekst („Službeni glasnik Unsko – sanskog kantona“ br. 1/04 i 11/04) Skupština Unsko – sanskog kantona na 37. redovnoj sjednici održanoj dana 22.12.2017.godine donosi

Zakon

o izmjenama Zakona o Univerzitetu u Bihaću

Član 1.

U Zakonu o Univerzitetu u Bihaću („Službeni glasnik Unsko – sanskog kantona“ br.16/09, 4/11, 6/13, 22/13 i 22/15) u članu 43. stav (1) riječi „dodiplomski i“ brišu se, u istom članu stav (3) mijenja se i glasi

„Prava i obaveze završetka studija po ovom članu ograničava se na 31.12.2018.godine“.

Član 2.

Član 5. Zakona o izmjenama i dopunama Zakona o Univerzitetu u Bihaću („Službeni glasnik Unsko – sanskog kantona“ broj: 22/15) mijenja se na način da se u članu 43a „datum i godina 31.12.2017“ zamjenjuju „datumom i godinom 31.12.2018.“

Član 3.

Ovaj Zakon stupa na snagu narednog dana od dana objavljivanja u „Službenom glasniku Unsko – sanskog kantona“.

Broj: 01-02-1-642/17
22. decembra 2017.
B i h a ć

**Predsjedavajući Skupštine
Unsko-sanskog kantona
Nijaz Hušić, prof.**

1150.

Na osnovu člana 27. i 28. Zakona o budžetima u Federaciji Bosne i Hercegovine („Službene novine Federacije Bosne i Hercegovine“ br.102/13, 9/14, 13/14, 8/15, 91/15, 102/15 i 104/16), a u vezi sa članom 95. Poslovnika Skupštine Unsko-sanskog kantona („Službeni glasnik Unsko-sanskog kantona“

